



UNIVERSITÄTS-
BIBLIOTHEK
PADERBORN

**De Jure Rerum Ecclesiasticarum Ad Germaniae Catholicae
Principia Et Usum Pars ...**

Complectens Sectionem III. & IV.

Zech, Franz Xaver

Ingolstadii, 1762

Titulus XVIII. De Testamentis.

[urn:nbn:de:hbz:466:1-68067](https://nbn-resolving.de/urn:nbn:de:hbz:466:1-68067)

666 *Sectio IV. Tit. XVIII.*

tamen recentiores interim accesse-
runt plurimi. Præ aliis legi mere-
tur HENRICUS A ROSENTHAL, LUDOL-
PHUS SCHRADERUS, JOANNES SCHIL-
TERUS, JOAN. GUIL. ITTERUS, GEORG.
ADAM. STRUVIUS, SAMUEL STRYKJUS,
GOTTLÖB AUGUSTUS JENICHEN, qui
in suo Thesauro Juris Feudalis, duo-
bus tomis comprehendit selecta va-
riorum Autorum opuscula de Feu-
dis, Copiosissima Jurium, Diplo-
matum & Documentorum Feuda-
lium collectio continetur in dicto
Corpore Juris Feudalis Germanici
tribus tomis comprehenso.

TITULUS XVIII.
DE TESTAMENTIS.

*Confer. ex Lib. 3. Decretal. tit. 26. Sext.
tit. II. Clement. tit. 6.*

S. 435.

*Ultimæ
Volun-
tates*

HUCUSQUE dictum de modis, qui-
bus Bona ab Ecclesiis & Eccle-
siasticis acquiruntur, vel alienantur
inter vivos: superest, ut attingamus
modos, quibus mortis causa aliquid
Ecclesiæ acquiritur; vel a Clericis ad
alios transfertur. Ejusmodi modus
acqui-

acquirendi, vel transferendi dominium vocatur *ultima voluntas*, seu legitima dispositio de eo, quod quis post mortem suam fieri velit: quæ ambulatoria quidem est usque ad vitæ supremum exitum; per mortem tamen redditur firma, ut eam alia sequi non possit. Si quis jam ante mortem constringeret libertatem suam jurata & acceptata promissione de voluntate non mutanda, nec revocanda; perjurus esset condendo aliud testamentum, quod tamen censeretur validum. Nihilominus hæres in hoc mutato testamento institutus, teneretur priori, in cuius gratiam *juramentum factum est*, restituere, quantum ipsi vi *juramenti* competeret, non tanquam hæredi, sed tanquam Promissario 4.).

s. 436. Quamvis nihil sit, quod magis hominibus debeatur, quam ut *Firmitatem habent*
U u 2 supre-

-
- 4.) De hac quæstione late disputant COVARRUV. de Testam. part. 2. Rubr. n. 24. seqq. MOLINA de J. & J. tr. 2. disp. 151. GABRIEL VASQUEZ de Testam. Cap. 2. dub. 3. Card. DE LU-
GO de J. & J. disp. 24. sect. 2.

668 *Sectio IV. Tit. XVIII.*

supremæ voluntatis , post quam jam aliud velle non possunt, liber sit stylus , & licitum , quod iterum non redit , arbitrium 5.); firmitatem tamen non haberent ultimæ voluntates, nisi accederet Legum dispositio : nemo enim , si solum jus naturale attendamus , disponere potest de Bonis suis in illud tempus , quo non erit dominus : cum igitur quivis per mortem cesseret esse Bonorum suorum dominus; consequens est, neminem posse disponere in tempus mortis, nisi Leges firmant has dispositiones. Nam ejusmodi Testator revera disponeret post mortem , cum ante ultimum halitum dispositio testamentaria firma non sit 6.).

§. 437.

5.) L. i. C. de SS. Eccles.

6.) Qui aliter loquuntur, videntur confundere dispositiones morientium cum dispositionibus mortis causa. Moriens de rebus suis potest disponere per actum inter vivos , qui firmitatem suam habeat jam ante mortem: non autem mortis causa, nisi robur addant Leges: fine his enim diceretur dispositio fieri a mortuo.

§. 437. Dicunt, a Domini voluntate unicè dependere, quomodo do-
minum rei suæ in alium transferre Natur-
velit; posse igitur ea lege transferre, *li*:
ut non nisi post mortem suam accep-
tari possit 7.). Ad similia verba re-
dit idem responsum, non posse trans-
ferri dominium ea lege, ut accepta-
ri possit pro tempore, quo ipse domi-
nium transferens non amplius erit
dominus. Consensus transferentis
cum consensu acceptantis debet si-
mul moraliter vel habitualiter exis-
tere: consensus autem transferentis
nullo prorsus modo existit post mor-
tem. Si Princeps gratiam concedit
ad beneplacitum suum, gratia cessa-
re dicitur per mortem Principis, cum
ibi cesset ejus beneplacitum 8.): si-
militer si quis dominium transfert,
acceptandum post mortem suam; ta-
lis acceptatio nullum dabit jus, poft-
quam per mortem cessavit voluntas
transferendi. Si quis donaturus Ti-
tio, pecuniam alicui dederit perfe-

U u 3 ren-

7.) Hoc argumento utitur WOLFIUS Jur.

Natur. p. 7. §. 992. seqq.

8.) C. 5. de Rescript. in 6.

670 Sectio IV. Tit. XVIII.

rendam ad Titium, & ante mortuus fuerit, quam ad Titium perferretur; dominium pecuniae non acquireret Titius 9.) : quomodo igitur hereditas transferetur per testamentum post mortem, nisi testamento accedat Legum autoritas? Aliud est, solam traditionem & possessionem rei inter vivos donatæ differri post mortem; aliud ipsam translationem dominii fieri per mortem. Dein nemo, nisi sua interest stipulari alteri potest 10.) : non interest autem defuncti, quis Bona ejus post mortem obtineat: unde nisi in vita negotium cum herede intercesserit, non appareat, quomodo per actum mortis causa Bona defuncti acquirere possit.

Sed ex Legibus positivis. §. 438. Hinc Romani Testamenta, quæ non erant privilegiata in procinctu, condebant calatis Comitiis; postea per æs & libram, seu imaginariam venditionem, ut Bona ad heredes transire censerentur, vel per Legem populi, vel per contractum inter vivos. Accendentibus aliis ordinationibus, Lege obvenire hereditatem non improprie quis dixerit eam, que ex

9.) L. 2. §. 6. ff. de Donation.
10.) §. 19. Inst. de inutil. stipul.

ex testamento defertur: quia lege duodecim Tabularum testamentariæ hæreditates confirmantur 11.) apud Romanos: apud nonnullos enim alios populos jam Lege Civili firmitas ipsis data fuerat 12.): quin tamen inferatur, Testamenti vim provenire ex Jure Gentium proprie dicto, cum adhuc hodie variæ Gentes communionem Testamentorum non habeant cum aliis, ad quas non potest hæreditas transferri per Testamentum. Ideo etiam apud Romanos Testamenti factio non privati, sed publici juris esse dicebatur 13.).

U u 4

§. 439.

11.) L. 130. ff. de Verb. Signif.

12.) Athenis non erat jus condendi Testamenta ante Solonem; sed hæreditas familiæ defuncti relinquenda erat. Solon autem liberum fecit, non extantibus Liberis, cui visum esset, sua donare, ut refert PLUTARCHUS in Solone. Item in Quæstionibus Romanis. Hæc Lex Solonis displicuit PLATONI Lib. II. de Legib. Censemt aliqui, apud paucas Gentes ante Romanos viguisse Testamenta. Vid. THOMASius de Orig. Success. testament.

13.) L. 3. ff. qui testam. fac. poss. Fuse hanc quæstionem discutit FERNANDUS VASQUIUS de Success. creat. lib. I.

§. I.

672 *Sectio IV. Tit. XVIII.*

*Ultima-
rum Vo-
lunta-
tum di-
vizio.* §. 439. Variae sunt species ultimorum Voluntatum. I. Testamentum, II. Codicillus. III. Substitutio. IV. Fideicommissum. V. Legatum. VI.

Donatio mortis causa. Ex hac va-
stissima materia, quam Juris Civilis
Interpretes latius pertractant, plera-
que obiter delibabimus, liberalius
acturi de iis, quae ad Ecclesias & Ec-
clesiasticos aut ad forum internum,
potissimum pertinere videbuntur.

*Testa-
menti
Defini-
tio. &
Divisio:* §. 440. Testamentum est voluntatis nostrae justa sententia de eo, quod quis post mortem suam fieri vult 14.) Ut ab aliis ultimis voluntatibus distinguitur, per verbum *justa* intelligitur voluntas quoad intrinsecam & extrinsecam formam Legibus conformis, proin etiam directam hæreditis institutionem continens. Aliud est solenne, aliud non solenne, quod ex speciali Juris privilegio absque solennitatibus sustinetur. Solenne subdividitur in *Scriptum & Nuncupativum.*

*Scripti
Solen-
nitates,* §. 441. Ad Testamentum scriptum, solenne, de Jure Civili requiritur I. Ut ab ipso Testatore redigatur in Scripturam, vel faltem coram testi- bus subscribatur, aut octavus adhi- bea-

14.) L. I. ff. ibid.

beatur testis, ejus loco subscribens.
II. Septem Testes idonei, quales non
sunt mulieres, impuberes, furiosi,
prodigi declarati, muti, surdi, cæ-
ci, infames, inviti & coacti, hære-
des in eodem Testamento scripti,
existentes in potestate testatoris, vel
testis, vel ambo in potestate tertii,
fide propter improbitatem indigni,
intestabiles passive aut active 15.).
III. Testes debent esse rogati, & ita
præsentes, ut testatorem audiant &

U u 5 vi-

15.) Romanì rejiciebat etiam pauperes.
Cives autem nimia paupertate laboran-
tes, animadversione censoria classibus
exempti, capite censebantur, & in
proletariorum numerum referebantur.
Unde FESTUS testes, qui signandis
Testamentis adhibebantur, *Classicos* ap-
pellavit, ad quinque classes, in quas
a Servio Tullio, ut narrat LIVIUS
Decad. I. lib. I. pro census qualitate
distribuebatur Populus Romanus, om-
nino respiciens, & simul indicans, pro-
letarios ac capite censos, quia classici
non erant, signandis Testamentis ad-
hiberi non posse ob nimiam pauper-
tatem, quæ cum falsi ingentem mate-
riam præbeat, semper Romanis suspe-
cta fuit. Ita RÆVARDUS Conjectan.
lib.

674 *Sectio IV. Tit. XVIII.*

videant. IV. Coram his testator vel per se , vel per alium affirmare debet, in charta, quam exhibet, contineri suam ultimam voluntatem. V. Huic chartæ singuli testes sua nomina subscribunt propria manu, suaque signacula seu sigilla apponunt: si autem scribere nesciant, aut sigillum proprium non habeant, potest id fieri aliena manu & sigillo, modo exprimatur , ex qua ratione id factum sit. VI. Totum negotium eodem moraliter tempore, unoque contextu, & coram testibus omnibus simul congregatis, audientibus & videntibus, quæ geruntur, absolvendum est.

§. 442.

lib. 2. c. 20. De Proletariis & capite censis vid. GELLIUS lib. 16. c. 10. Solon Athenienses cives in tres classes divisit juxta modum facultatum : reliqui vocabantur θῆτες , quos Interpres PLUTARCHI in Solone nominat Capite censos. In Recess. Imp. Colon. ann. 1512. Const. de Notariis. art. de Testam. §. 7. excluduntur etiam Leibeigne, quos homines proprios in Germania vocamus : hodie tamen eorum conditio multo melior est , nec in testamento rejici possunt. vid. III. B. DE CRAMER Nebenstunden p. 2. §. 2.

§. 442. Testamentum solenne *Nuncupativum*, quod fit oretenus nominato coram testibus hærede, de Ju-
re Civili easdem requirit solennita-
tes, excepta subscriptione & subfig-
natione. Opus scilicet est, ut Te-
stator coram septem testibus idoneis,
rogatis ac monitis, simul præsentibus,
voluntatem suam circa hæredem
oretenus per se, vel per alium mani-
festet, aut ex charta prælegat: quæ
omnia uno contextu, eodemque mo-
raliter tempore fieri debent. Opor-
tet igitur, ut testis intelligat linguam,
qua conditur Testamentum nuncu-
pativum: ad Testamentum autem
scriptum testis non debet intelligere
linguam testatoris, modo intelligat,
fieri Testamentum, & se propterea
rogatum ac requisitum.

§. 443. Si quis intendat facere Te- *In quo*
stamentum scriptum, deficiens ta- *manife-*
men in debita subscriptione, vel sub- *stari de-*
signatione testium, valebit ut Nun- *bet hæ-*
cupativum, modo habeat solennita- *res.*
tes ad Nuncupativum requisitas: ac-
cipiendus enim est actus, ut magis
valeat, quam pereat. Si autem te-
stator non nominat, nec clare in-
dicat hæredem testibus, sed solum

se

676 *Sectio IV. Tit. XVIII.*

se refert ad schedam, in qua descri-
ptum ait hæredem, non valet Testa-
mentum. Leges enim 16.) volunt,
hæredem nuncupari palam, ut exaudiri
possit a testibus; voce manifestari nomen
hæredis vel hæredum; testes collectos pu-
dire voluntatem testatoris &c. Sufficit
autem, si testator ad interrogatio-
nem alterius, capite annuat, modo
sit sanæ mentis, testes pro confiden-
do testamento convocari jussit, non-
dum morti proximus; nec præsum-
ptio sit, quod infirmus ad importu-
nam præsentium instantiam, eorum-
que favorem annuat. Nam nutu etiam
relinquitur Fideicommissum 17): eadem
autem est ratio de hæreditate, modo
testator loqui possit, & solum per
accidens vi morbi impediatur.

*Defe-
ctus so-
lennita-
tis irri-
tat Te
stamen-
tum,* §. 444. Testamentum potest esse
imperfectum ratione voluntatis, sci-
licet quod quis inchoavit, vel in-
tendit facere, & nondum perfecit:
id certe pro utroque foro est nullum
& irritum. Imperfectum autem ra-
tione

16.) L. 21. pr. ff. qui testam. fac. poss. L.
21. §. 2. & L. 29. C. de Testam. Hoc
verum videtur de Jure communi. Ex
Jure Statutario alicubi sufficit, si Testa-
tor se referat ad schedam.

17.) L. 21. ff. de Legat. 3.

tione solennitatis, irritum est saltem in foro externo, & regulariter 18.): adeoque septem testes, & alia recensita, non præcise ad probationem, sed ad substantiam ac valorem Testamenti solennis pertinere dicuntur. Excipitur casus a JUSTINIANO decisus 19.), quando scilicet hæres ab intestato ipse percepit, ac fatetur voluntatem defuncti, alium pro hære de instituere intendentis. Cum enim res per testium solennitatem ostenditur; tunc & numerus testium, & nimia subtilitas requirenda est, ne quid falsitatis incurrat per duos forte testes compositum *Testamentum*: cum autem ipse hæres, cui summa autoritas totius causæ commissa est, dicere compellitur veritatem, qualis locus testibus relinquatur, vel quemadmodum ad extraneam fidem decurratur, propria & indubitata fide reliqua? Quamvis ista decisio inserta sit Rubricis de Fideicommissis, eadem tamen

13.) Clari sunt textus in L. 9. 12. 21. C.
de Testam.

19.) §. ult. Instit. de Fideicommiss. hæred. L. ult. C. de Fideicommiss.

678 *Sectio IV. Tit. XVIII.*

tamen est ratio de Testamento, & institutione hæredis: ipsaque Lex Testamentum nominat 20.).

*Non tam
men semper
pro foro
consci-
entia.*

§. 445. Sicut in dicto casu Testamentum valere censetur etiam pro foro externo: ita mihi videtur, defectum solennitatis, quando certo constat de voluntate Testatoris, saltem pro foro interno non impedire valorem & obligationem, quam habuerunt Testamenta ante inventas scrupulosas solennitates. Mens enim & intentio Legislatorum, nimiam solennitatum subtilitatem requirentium, fuit, ut per ampliores testes perfectissima veritas reveletur, & morientium voluntas certius impleatur. Ne igitur intentioni suæ contradicerent, noluerunt per has solennitates occasionem dare, potissimas Testatorum voluntates infringendi & finem Legum suarum evertendi, annullando Testamenta etiam pro foro in-

20.) An & quando hæc Decisio, quæ loquitur de hærede audiente & fatente voluntatem defuncti, extendi possit aut debeat ad alias casus, in quibus voluntas testatoris omnino certa & innegabili est, relinquitur prudenti Judicii,

interno in iis casibus, ubi de voluntate Testatorum habetur certitudo, & consequenter ubi non est periculum contraveniendi eorum voluntati, nec datur ansa litigandi: omnia enim hæc incommoda cessant, quando pro foro interno habetur certitudo de voluntate Testatoris, licet hic *nimirum* & miseram diligentiam non sit fecutus; nam pro jure legitimo haberi debet hominis sani voluntas 21.), saltem pro interno foro, in quo nulla fraudis suspicio datur, sed ea habetur certitudo, quæ a Legibus per solennitates quæritur. Nec tamen frustranea censi debet annullatio talis Testamenti pro foro externo. Nam etiamsi ex antiquissimis jam Legibus & Populorum Moribus facultas transferendi Bona sua in alterum competere dicatur Testamento, scrupulosis solennitatibus destituto, saltem pro foro interno, pro quo recentiores Imperatores antiquis illis Legibus derogare voluisse non censemur: facile tamen permittitur, ejusmodi Testamenta non gaudere favoribus a THEODOSIO,

21.) L. 88. §. fin. ff. de Legat. 2.

680 *Sectio IV. Tit. XVIII.*

DOSIO, JUSTINIANO &c. Testamento ad normam Legum suarum perfecto indulcis, quale est jus accrescendi, hypotheca legati &c. Imo ad præcidendas plurimas oppositiones, posset demum dici, per tale Testamen- tum, pro foro externo annullatum, non quidem directe, sed tamen indirecte per modum Fideicommissi transferri hæreditatem in eum, quem Testator hæredem voluisse certo agnoscitur.

Testa- §. 446. Non omnes dictæ solen-
mentum nitates observantur in Testamentis
Privile- privilegiatis. Tale est I. *Testamentum*
giatum Pium, in quo pro hærede instituitur
I. *Pium*, locus aut Causa pia, aut Persona ex
pio motu virtutis. Hoc Testamen-
tum non censetur subjacere Legibus
Civilibus, solennitates certas requi-
rentibus 22.). Sacri Canones 23.)
aliud non requirunt, quam ut suffi-
cienter constet de voluntate Testa-
toris.

22.) Juxta L. 13. C. de SS. Eccles. ad Te-
stamentum in favorem Ecclesiæ condi-
tum, requiritur, ut alia omni juris ra-
tione munitum sit.

23.) C. II. de Testament.

toris. Hanc decisionem passim sequuntur Tribunalia sacerdotalia, ita quidem, ut etiam Legata profana huic Testamento Pio inserta, subsistant firma.

§. 447. II. *Testamentum Patris vel Matris inter Liberos Nuncupativum* ^{II. Par-} _{rentis} valet absque omni solennitate, modo constet de voluntate defuncti ^{24.)}. *Libe-* Scriptum vero ^{25.)} requirit, ut *Pa-* _{ros.} ter ipse, Mater, aut Avus scribat Testamentum, vel saltem subscribat, ita ut Liberi agnoscant manum Patris: exprimi etiam debet tempus conditi testamenti, & Liberorum omnium nomina, atque unciæ, quæ possunt esse inæquales, modo singulis relinquatur Legitima: tempus autem & unciæ non per cifras, sed per literas & integra verba exprimantur. Tale Testamentum absque aliis solennitatibus conditum, valet inter solos Liberos: si aliquid titulo *insti-* *tutionis* relinquatur extraneo, ut Uxori, Parentibus &c. illud accrescit

X x Libe-

24.) L. 16. & L. ult. C. famil. hercisc.

25.) Ex Novell. 107.

De Jure Rer. Eccles. Pars poster.

682 *Sectio IV. Tit. XVIII.*

Liberis: Legata in tali Testamento relictā valent, modo nomina sīt scripta manu testatoris, vel nuncupata coram Testibus saltem duobus²⁶): nam Patris manus & lingua habet omnem virtutem charte præbitam²⁷).

III. Milites. §. 448. III. Testamentum Militis in actuali conflictu nullas requirit solennitates: in Castris exigit duos testes: extra Castra & actualēm conflictum Milites jure communi testantur²⁸).

IV. Rusticorum. §. 449 IV. Ad Testamentum Rusticorum sufficiunt quinque testes, si plures commode haberi nequeant: neque requiritur subscriptio aut Sigillorum appositiō, nisi aliqui sciant scribere, & apponant Sigilla pro aliis. Si autem omnes sint illiterati, & ignari scribendi, manifestari coram his testibus debet voluntas testatoris, ut sit Testamentum nuncupativum, & testes juramentum possint deponere de percepta testatoris voluntate. Si Leges

26.) Ibid. c. I.

27.) Add. L. 38. ff. de Fideicommiss. libertat.

28.) Rec. Imp. de anno 1512. in Condit. de Notariis, art. de Testament. §. 2.

Leges Civiles communes sequamur, hoc privilegium conceditur loco & personæ copulative, nempe rusticis ruri testantibus. Unde rusticus Testamentum condens in Civitate, debet adhibere omnes solennitates. In pagis, qui multos habent incolas, non remittitur numerus testium: videtur tamen Imperator ita consule re simplicitati rusticorum, ut non exigat scrupulosam observantiam omnium solennitatum 29.): sed concedit, antiquam eorum consuetudinem legis vicem obtinere. Unde multi censem, tales testes non debere esse rogatos, nec omnibus aliis qualitatibus præditos, quas supra recensuimus. Testamentum, quod rusticus juxta privilegium suum ruri fecit, obtinet suum valorem, etiamsi hic rusticus postea in civitatem migret. In plurisque Provinciis vigent specialia Statuta, aut consuetudines circa testamenta rusticorum, quorum simpli-

X x 2 cita-

29.) L. ult. C. de Testament. SAMUEL STRYCKIUS singularem Dissertationem scripsit de Testamento Rusticorum, quæ habetur tom. 2. disp. 20.

684 Sectio IV. Tit. XVIII.

citati & ruditati fere ubique aliquid indulgetur. Alicubi tamen, ut in Bavaria, privilegium rusticorum est strictæ interpretationis, neque extenditur ultra verba ad Nobiles ruri degentes, ad quorum testamenta multi Doctores non requirunt septem testes, si commode haberi non possint.

V. Tempore pestis. s. 450. V. Testamentum tempore pestis juxta Leges communes in hoc est privilegiatum, quod testes non debeant esse vocati, nec simul præsentes. De consuetudine sufficiunt tempore pestis duo vel tres testes, ad imitationem Testamenti militaris: nam ut aliqui arguunt, tempus belli & pestis æquiparantur, cum tunc censeatur esse bellum a Deo illatum hominibus. Intelligendum id tamen de peste vehementer grassante, quando jam multis civibus vidiata esset urbs, aut cives in loca tuta se receperissent, vel præsentes consortium aliorum fugerent. In dubio tenenda est opinio, quæ favet Testamenti 30.). Valet autem tale Testamentum tanquam solenne, etiam cesseante morbo, in perpetuum.

30.) GAIL. lib. 2. observ. 118. n. 18. seq.
s. 451.

§. 451. VI. Testamentum publicum ad Acta, vel apud Acta. Imperator THEODOSIUS 31.) modum tradit condendi Testamenta, Principi offerenda. Rarius hodie id fieri solet. Occasione tamen hujus Legis originem & usum hausisse videtur modus testandi ad Acta Judicialia. Testamentum scriptum erigitur coram Judice in loco judicii, aut conditur in domo testatoris decubentis, postea transmittendum & offerendum ad Acta. In priori casu requiritur, ut Judex adhibeat duos testes, specialiter vocatos & rogatos in probationem, quod Testamentum coram Actis insinuatum sit 32.). In altero casu requiritur, ut Judex ipse testatorem accedat, vel deputatum, specialiter ad hoc instructum mittat cum duobus testibus, ut vel in sua, vel deputatorum persona testatorem ipsum videat. Si testator voluntatem

X x 3 tem

-
- 31.) L. omnium 19. C. de Testam.
32.) Testamentum soli Judici in ædibus suis privatis oblatum sustinetur tanquam validum apud III. D. DE CRAMER. Wezlarisch. Nebenstunden p. 10. n. 6.

686 *Sectio IV. Tit. XVIII.*
tem suam absque præsentia Judicis
domi condat, valebit Testamentum,
si illud coram duobus testibus testa-
mento insertis erigat, & ipsemet po-
stea cum ipsis testibus Judicem acce-
dat, testamentum ad Acta offerat,
dicatque, in hoc seriam suam volun-
tatem contineri 33.). In nuncupati-
vito testandi modo fere idem obser-
vatur, ut testator Judicem accedat,
eique voluntatem suam oretus in-
sinuet, quam Judex adhibitis duo-
bus testibus Protocollo inserit: aut
ipsemet Judex, vel deputati testa-
torem accedant, & præsentibus duo-
bus testibus voluntatem oretus pro-
latam excipient, eandemque ad Pro-
tocollo notent. Idem fere obser-
vandum, si Principi offeratur. Vi-
detur hoc Testamentum esse maxime
soleenne, cum Principis autoritas, &
Judicij actorumque fides omnes so-
lennitates superet & suppleat: testes
autem adhibentur non ad solennita-
tem & formam Testamenti, sed ad
pro-

33.) Ut testator duos testes seu testa-
mento clauso ad Judicem mittat, tutum
non est.

probationem oblationis factæ. Si Judicis aut Principis sigillo muniatur Testamentum, multis in locis retinet autoritatem publicam, etiamsi testator scripturam domi suæ afferret, nisi de mutata voluntate constet ex Sigillorum avulsione, cancellatione &c. 34): vel nisi prudens sub sit suspicio fraudis 35.). Non requiritur Judex proprius competens, cum sit actus Jurisdictionis voluntariæ.

§. 452. Solennitates Juris Civilis *Jus Canonicum* 36.): noni-
sed sufficiunt duo vel tres testes præ-
ter Presbyterum proprium. Hos ta-
men non solummodo ad probatio-
nem, sed pro solennitate & forma
substantiali requiri, censem multi:
contradicunt non pauci. Decretum
suum ALEXANDER III, deducit ex Le-

X x 4 ge

34.) De Jure Bavarico Testamentum ab Actis remotum *præsumitur revocatum.*

35.) Talis suspicio prævalebat in casu, de quo cit. D. DE CRAMMER part. 24. n. 1.

36.) C. 10. de Testam. quod desumptum est ex Epistola Decretali ALEXANDRI III. ad Episcopum Ostiensem, circa annum 1170.

688 *Sectio IV. Tit. XVIII.*

ge Divina, juxta quam in ore duorum, vel trium testium stat omne verbum; ex Sanctorum Patrum Institutis; & generali Ecclesiae consuetudine 37.) : nulla ex his infertur forma substantialis & solennitas, de qua nec Lex Divina, nec SS. Patrum Instituta mentionem faciunt. Consuetudo illorum temporum videtur viguisse, ut conderentur Testamenta, vel sub forma Legum Civilium, vel præcise juxta Leges Juris Naturalis & Divini: nam Leges Justinianeæ illo saeculo XII. in occidente longa oblitione vix non erant sepulta: resuscitabantur autem a quibusdam Juris-Consultis Italos, quorum Auditores, ad gubernandas Civitates adhibiti eas in forum volebant reducere. Obstabat Alexander III. & quod mihi videtur, non pro suo tantum territorio, sed universim nolebat, ut fideles adstringerentur præcise.

37.) Decretalem Alexandri, his fundamentis nixam, contra multorum argumentias defendit MELCHIOR CANUS de Loc. Theol. lib. 6. c. 8. JOANN. BAPT. BARTHOLUS Institut. Jur. Can. c. 15.

oīse ad formam Juris Justinianeī; exigebat enim, ut major relinquere-
tur libertas testandi, præsertim cum
illa ætate ultimæ voluntates, etiam
Laicorum, haberentur inter Causas
pias, & passim deferrentur ad Tri-
bunal Ecclesiasticum 38.), cui foro
tam anxia solennitatum subtilitas,
cujus occasione plurimorum volun-
tates ultimæ enervarentur, parum
quadrare censebatur. Etsi autem Ju-
dicum quoque Laicorum cognitioni
Causæ testamentariæ relinquenterunt
39.): nihilominus maxima autoritas

X x 5

circa

38.) VAN ESPEN Jur. Eccl. p. 3. tit. 2.
c. 2. THOMASSINUS p. 3. l. 1. c. 24.
Id deducitur ex C. 10. 13. 16. 18. de
Testam.

39.) Colligitur hoc ex Appendice Conci-
lli LATERANENSIS III. part. 50. c. 8.
ubi ALEXANDER III. rescribit ad Judi-
ces Velletrenses. et c. 20. ex quo de-
sumptum est allegatum C. 10. de Testa-
ment. ubi refertur consuetudo Episco-
capatus Ostiensis, vi cuius Testamenta
absque septem testibus facta rescindun-
tur ab his, qui potestatem habent super a-
lios, quos Laicos Judices fuisse non du-
bito. Notum enim est, quinam Pote-
statis nomine denotentur in Italia.

690 **Sectio IV. Tit. XVIII.**
circa Testamenta etiam Laicorum,
competebat Episcopis. Eo enim e-
vaserant deprædationes hominum sc.
lestissimorum in res defunctorum, ut
compulsa tandem sit Ecclesia, tu-
tandis Testamentis, vel juribus Ag-
natorum incumbere 40.). Sicut au-
tem

40.) Concilium TOLOSANUM anno 1056.
cap. 9. *Præcipimus quoque, ut nullus La-
icorum aliquid suscipere audeat de rebus
aut substantiis defunctorum &c. In Con-
cilio NANETENSI ann. 1127. prout
HILDEBERTUS Archiepiscopus Turo-
nenensis scribit ad HONORIUM II. Ponti-
ficem, damnabatur consuetudo, vi-
cujus decedente marito, vel uxore,
universa decedentis mobilia in proprie-
tatem Judicis loci transibant. Lectu-
dignum est exordium diplomatis, quo
Bertholdus Episcopus Eustettenis Cle-
ricis suæ Dioceesis licentiam testandi
concedit, anno 1364. quia quorundam
Laicorum non satienda cupiditas, tam in
vita, quam post mortem, Clericorum res
& bona... impudenter & potenter inva-
dit, totaliter occupat, adeoque violenter
usurpat, quod aliquando antequam ani-
ma migret a corpore, ablatis lectis, suppel-
lectilibus & facultatibus aliis, relinquan-
tur corpora solo strata, & qua tradan-
tur Ecclesiastica sepultura, desit substan-
tia, ut nec decentes exequiae valeant cel-
lari &c.*

tem Pontifices consulebant securitati ultimarum voluntatum: ita etiam libertati testandi consuluisse videntur, dum non requirunt scrupulam solennitatem testium.

§. 453. Fateor Concilia quædam *Nisi ob-*
Gallicana 41.) non agnoscere valo-
rem Testamentorum, nisi facta sint particu-
sub testimonio Parochi, vel alterius laria
personæ Ecclesiasticæ: reddunt au-
tem rationem, ut scilicet Parochus Statuta,
testimonium dicat de Fide Catholica
testatoris, & maxime ut ea, quæ in
pias Causas reliquerit, fideliter & citius
sine fraude solvantur 42.), & quidem
præsentia Parochi adeo præcise re-
quirebatur, ut si quis imminente
morte Presbyterum non adscivisset,
mortuus careret Sepultura Ecclesia-
stica, & Notarius, qui Testamen-
tum scripsisset, arceretur ingressu Ec-
clesiæ. Hæc in particularibus Pro-
vinciis ob singulares rationes consti-
tuta, plane non erant recepta uni-
versim

41.) Conc. TOLOSAN. can. 16. ann. 1229.

RUFFIACENSE, præsidente Archiepi-

scopo Burdegalensi c. 7. ann. 1258.

42.) Concil. NARBON. can. 5. ann. 1227,

& BITERENSE can. 44. 1240.

692 *Sectio IV. Tit. XVIII.*
versim in Ecclesia; & alium inten-
debant finem, quam solum valorem
Testamentorum: si quis enim inva-
lidum condat Testamentum, propte-
rea non debet carere Sepultura Ec-
clesiastica.

Nullas §. 454. Concludi igitur potest, te-
requirit stes in Jure Canonico non requiri ad
solenni- solennitatem, sed solummodo ad pro-
tates. *bationem ultimæ voluntatis: cum*
etiam multi ex illis, qui pro forma
substantiali hos testes exigi censem,
Parochi tamen præsentiam non ne-
cessario requirant, sed ejus fieri men-
tionem a Pontifice credant occasione
facti ab Episcopo Hostiensi propositi,
præsertim cum Testamenta passim
fieri soleant in gravi mortis periculo,
ubi ægrotantibus assistunt Parochi.
Si autem præsentia Parochi ad valo-
rem Testamenti non requiritur, non
est ratio dicendi, reliquos testes ad
valorem requiri, cum Pontifex æque
Parochi, ac duorum aut trium te-
stium mentionem faciat: horum au-
tem præsentia juxta Legem Divinam,
ad quam se refert Pontifex, non ma-
gis est necessaria pro solennitate, ac
præsentia Parochi.

§. 455.

§. 455. Stabilitis postea & in fo- Præser-
rum rursus introductis Legibus Ju- tim in
stinianeis, amplectebatur Jus Cano- Testa-
nicum Constitutiones Civiles favo- mentis
rabiles circa Testamenta, de hære- Clerico-
dis institutione, Legatis, fideicom- rum.

missis, Falcidia, Trebellianica, In-
ventario, Legitima &c.: sed anxiam
solemnitatem testium nullibi accepta-
tam legimus in Sacris Canonibus:
bene autem in Legibus Imperii Ro-
mano - Germanici sub Maximiliano
I. Imperatore 43.). An autem Te-
stamenta Clericorum in Germania
ordinanda sint juxta Leges Civiles,
dependet ex eo, an istæ in Curiis
Episcoporum, ad quas Testamenta
Clericorum deferuntur, sint receptæ
44.). In multis Diœcesibus requiri-
tur, ut Testamenta Clericorum mit-
tantur ad Ordinarium pro Confir-

ma-

43.) In Comitiis COLONIENSIBUS Anno
1512. Constitut. de Notariis.

44.) Supra laudatus BERTHOLDUS E-
piscopus Eustettenensis concessit Cleri-
cis suis facultatem testandi coram duo-
bus testibus idoneis,

694 *Sectio IV. Tit. XVIII.*

matione 45.). Hoc si fiat, non opus est aliis solennitatibus, cum talia Testamenta censeantur fieri ad Acta, Decedens absque confirmatione ultimæ suæ voluntatis, censemur obiisse intestatus. In Territorio Pontificio non tantum apud Clericos, sed etiam apud Laicos observatur Constitutio Alexandri III, nisi peculiaria Statuta cuiusdam loci aliud exigant 46.). Ipsius Urbis Romanæ Statuta volunt, ut inter Cives, Incolas, & Distrituales servetur Jus Civile: hoc Statutum extendi etiam ad solennitates Testamenti, sæpius decidit Rota Romana, quamvis FAGNANUS 47.) more, quo alias suas præconceptas opiniones solet tueri, accerrime sit contrarius, credatque tali extensione violari

45.) In Decretis Synodalibus Diœcesis Augustanæ anno 1656. part. 3. c. 18. n. 2. statuitur: *Nulla per Clericos de Bonis Ecclesiae nomine acquisitis facta testamenta valida sunt, nisi prius juxta Sacrorum Canonum prescriptum a Nobis examinata confirmentur.*

46.) GRATIANUS Discept. forens, tom. 2. c. 233. n. 52.

47.) In C. cum esses. de Testam. v. 157. seqq.

lari Jus Divinum, SS. Patrum Insti-
tuta, & generalem Ecclesiæ consue-
tudinem, foverique peccatum. Id
tamen concedendum, ejusmodi Sta-
tuto non comprehendendi personas Ec-
clesiasticas Romæ habitantes.

§. 456. Testamentum facere pos-
sunt omnes, qui Jure non prohi-
bentur. Per privatas conventiones
impediri non potest facultas testan-
di juxta Leges Romanas. Moribus
autem Germaniæ introducta est Suc-
cessio conventionalis, cui per Te-
stamentum derogari amplius nequit.
Unde pacta dotalia per modum con-
tractus inita, nullo testamento mu-
tari possunt 48.). Prohibentur ali-
qui Testamentum condere jure Ci-
vili propter defectum integri status, ut
servi, damnati ad mortem 49.), de-
por-

48.) Vid. supra §. 435.

49.) Consuetudo Germaniæ, quæ tamen
ab afferentibus pro sua patria probanda
erit, multis in locis salvam esse condem-
natis Civitatem & Testamenti factio-
nem vult, modo Reorum Bona per sen-
tentiam non sint Fisco addicta. Perpe-
tuorelegati, etiæ hodiernis moribus non

696 *Sectio IV. Tit. XVIII.*

portati, filiusfamilias quoad Bona profectitia & adventitia; qui enim Testamentum condit, debet esse paterfamilias, qualis non censetur esse filiusfamilias, nisi quoad Bona Ca- strenia & quasi Castrenia, licet pa- ter consentiat 50.). *Ob defectum ani- mi*, ut mente capti, prodigi decla- rati,

censeantur servi poenæ, jus tamen Ci- vitatis non videntur retinere. Ex mi- litari delicto capite damnatis Testamen- tum facere licet super Bonis duntaxat Castrenibus, si non Sacramenti fides rupta sit. L. 11. pr. ff. de Testam. milit. Unde miles ob desertionem suspenden- dus, testari non poterit jure militari: jure autem communi poterit, sicut alius condemnatus ad mortem.

50.) C. licet. 4. §. quamvis. de sepult. in 6. ex L. 11. & 12. C. qui testam. fac. poss. An filiusfamilias testari non possit de bonis adventitiis irregularibus, litigant inter se juris Civilis Interpretes, facul- tatem de his disponendi conantur aliqui deducere ex L. 8. §. 5. de Bonis quæ Li- beris &c. Novell. 117. c. I. L. 19. §. 2. ff. de Castren. pecul. & aliis. Econ- tra alii sine manifesta Lege nolunt re- cedere a communi Juris Romani Regu- la, quod testator debeat esse Paterfami- lias, qualis censetur esse Filiusfamilias.

11.

tati , infantes & impuberes , licet
tutoris autoritas accesserit. Ob defe-
ctum Corporis , ut muti & surdi simul
natura. Ob defectum morum & fame ,
X y ut

intuitu Peculii Castrensis vel quasi Ca-
strensis. Vid. JULIUS CLARUS sent.
lib. 3. §. Testamentum. q. 18. n. 2.
ANT. PEREZ ad tit. Cod. quic testam. fac-
poss. n. 15. CASPAR MANZIUS de te-
stam. valid. vel inval. tit. 2. n. 99. seqq.
GRASSUS V. Testamentum. q. 23. n. 2.
LAUTERBACH Dissert. Vol. 3. Disp. 109.
de Peculio adventitio Irregulari. Ab-
stineo a pluribus , cum operosa decisio
eiusmodi Controversiarum exigeret ,
libellum hunc porrigi ultra limites sibi
constitutos , præcipue , Icum materia
hæc non valde frequens videatur in
praxi , utpote de qua non occurrit men-
tio in multis libris , qui innumeræ de-
cisiones Tribunalium recensent. Dein
in variis locis Peculium Adventitium
Irregularare æquiparatur universum Pecu-
lio quasi Castrensi , quod statuitur in
Bavaria Cod. Civil. p. 1. c. 5. §. 6.
Unde juxta varias has opiniones inter-
pretari licet Legem 25. §. 1. ff. de mort.
caus. donat. juxta quam filius familias .
mortis causa donare patre permittente po-
test. Nam patris permissione non erit
opus circa peculium adventitium irregu-
lare , ubi hoc æquiparatur Peculio qua-
si Castrensi.

De Jure Rer. Eccles. Pars poster.

698 *Sectio IV. Tit. XVIII.*

ut rei criminis læsa Majestatis, hæretici & omnes, quibus ab ipsa legge fides testimonii ferendi adempta est 51.). Si quis tempore conditi Testamenti fuit inhabilis, ut deputatus, impubes, filiusfamilias &c, non valet testamentum, etiamsi tempore mortis reddatur habilis 52.). Si quis

51.) L. 26. ff. qui testam. fac. poss.

52.) Testamentum filiusfamilias factum de Bonis, de quibus poterat testari, secum trahit jure accrescendi etiam Bona, de quibus tempore testamenti conditi testari non potuisset. Casum habemus in L. 19. §. 2. ff. de Castren. pecul. juxta quam, si filiusfamilias paganus, relista scilicet jam militia condat testamentum jure communi de Bonis-Castrenibus, decebatque ignarus, quod pater absens obierit, seque hæredem reliquerit, hæres Castrensis peculii scriptus, universa etiam paterna bona habebit, quia dictus filiusfamilias validum Testamentum fecerat, nec poterat post relistam militiam, jure militari partim testatus, partim intestatus decadere: unde necessario Bona paterna accrescunt hæredi Castrenium: sicut si pauperrimus facto testamento decadat, ignorans se aliunde locupletatum. Hæres enim pauperis familiae scriptus, jure accrescendi obtinet etiam bona, quæ ante obitum testator ignorans acquisiverat.

quis autem tempore conditi Testamenti fuit habilis, & tempore mortis reddatur inhabilis, mutato statu libertatis, Civitatis &c. irritum erit testamentum: secus si fiat inhabilis ob vitium salvo statu superveniens, uti ob furorem, prodigalitatem 53.).

§. 457. Jure Canonico prohibentur testari Usurarii manifesti, nisi *Alii per Cano-*
præstata satisfactione: excommuni-*nes:*
cati propter hæresin, aut eorum fau-
tores: percussor Cardinalis: Religio-
sus post emissâ vota solennia 54.).
Religiosi, qui a Religione & Ortho-
doxa Fide in Germania deficiunt, in
Acatholicis Tribunalibus Testamenti
condendi capaces censentur: aliter
deberent judicare Judices Catholici,
cum jus in Bonis Professi sui Mona-
sterio quæsumum, non tollatur per
sacrilegam Apostasiam.

§. 458. Circa Testamenta Clerico-*Clerici*
rum, facienda est distinctio Bonorum, *de Bo-*
tum patrimonialium, vel titulo laico *nis in-*

Y y 2 ac-

53.) Sic intelligi potest L. I. §. 8. ff. de Bonor. poss. secund. tab.

54.) C. fin. de Usur. in 6. C. 13. de hæ-
ret. C. 5. de pœn. in 6.

700 *Sedio IV. Tit. XVIII.*

tuitu Ecclesiae acquisitis, ad causas profanas:

acquisitorum; tum Ecclesiasticorum titulo sacro obtentorum. Generatim de Bonis suis testandi facultatem Episcopis concedunt Leges Civiles 55.). Ad Bona ante Episcopatum, vel postea titulo mere laico acquisita id restringitur per varias Leges & Canones 56.). Unde Episcopi quidam solcite secernebant Bona sua patrimonialia ab iis, quæ intuitu Ecclesiae acquisiverunt 57.). Quidquid autem post adeptum Episcopatum obtinebatur, præsumebatur potius Ecclesiae relictum, quam persona

55.) L. 34. & 50. C. de Episc. & Cler. Novell. 123. c. 19.

56.) L. 42. §. 2. C. de Episc. & Cler. Novell. 131. c. 13. Apud GRATIANUM XII. q. 5. per tot. in Decretalibus c. 1. 2. 7. & 9. de Testam.

57.) Exemplum refert Rev. mus HONTHEMIUS Hist. Trevir. tom. 3. fol. 186. de Joanne a Schoenenburg. Hic Archiepiscopus emit domum Zur Gold-Reben, & illuc bona hæreditaria (per mortem plurium fratum suorum obtenta) collocavit, primus, qui Bona familie & privata ab Archiepiscopalibus separavit & seorsim administravit. Conforme hos erat Casu noni 39. Apostol.

sonæ 58.). Quod autem dicitur de Episcopis, id cum proportione intelligendum de reliquis Clericis, administrationem bonorum Ecclesiæ habentibus 59.), quibus liberrima relinquitur dispositio testamentaria de bonis hæreditate, artificio vel doctrina, aut alio titulo laico acquisitis 60.): non autem de Bonis Ecclesiæ, quibus annumerantur Reditus Præbendarum 61.). Consuetudinem tamen non improbandam censet Alexander III. Sæculo XII. ut aliqua ex his conferantur pauperibus & religiosis locis & illis, qui viventi servierant, sive consanguinei sint, sive alii, juxta servitii meritum 62.). Consuetudo hæc, quæ juxta Pontificem non est improbanda, non tamen ubique fuit approbata 63.). In quibusdam Ger-

Y y 3 ma-

58.) Subtilem expositionem facit INNOCENTIUS III. in C. 15. de Testam.

59.) Novell. 131. c. 13. Conc. TRIDENT. Sess. 25. c. 1. de Reform.

60.) C. 9. & 12. de Testament.

61.) C. 7. 8. 12. ibid.

62.) Cit. C. 12.

63.) S. HUGO Lincolniensis Episcopus circa annum 1200. instante morte ad-

moni-

702 *Sectio IV. Tit. XVIII.*

maniæ Provinciis adhuc ad initium
sæculi XIV. Clericis non erat con-
cessa facultas testamentum condendi
64.) Alicubi etiam posterioribus
temporibus Clerici compelluntur ad
redimendam testandi licentiam **65.)**
Hæc de Testamentis Clericorum ad
Causas pias dicta sint.

§. 459.

monitus , ut testamentum pro more fac-
ret , tædet me , inquit , hujus consuetudi-
nis , jam passim in Ecclesiam introduc-
ta. Nec habui quidquam , nec habeo , quod non
sit Ecclesiæ , quam regendam suscepit ; at-
tamen ne fiscus rapiat ; pauperibus tri-
buatur totum , quod videor possidere. Ita
SURIUS in Vita die 17. Novemb. c. 28.

64.) Per Archidiœcesin Trevirensim fa-
cultas hæc permissa est de gratia speciali
in Statutis Provincialibus Anno 1310.
c. 66. magis autem firmata Anno 1398.
prout refert **III. HONTHEMIUS** tom. 2.
fol. 55. 303. seqq. in Diœceſi Euſtetten-
ſi eandem concessam Anno 1364. jam
dictum est.

65.) De Episcopatibus Belgii vid. **VAN**
ESPREN Jur. Eccl. p. 2. tit. 32. c. 7. n.
23. seq. In Diœceſi Spirensi , exceptis
Canonicis Ecclesiæ Cathedralis & Col-
legiatarum , reliquus Clerus subjacebat
spolio usque ad nostra tempora : nunc
redi-

§. 459. Ad Causas profanas de Reditibus Clericalibus testandi consuetudo vix singi potest rationabilis; etiam si ex causis justis bene ponatur, ria consideratis privilegium ejusmodi possit suetudinari certis personis aut locis. Episcopi in multis Provinciis tali corruptela se non opponunt, cum plerumque non discernatur, an Clericus relinquit Bona patrimonialia, an vero ex Clericalibus functionibus quæsita: oneratur igitur conscientia & que Clericorum, ac hæredum, ut Bona per Ecclesiam acquisita, insumentur ad Cultum Divinum, alendos pauperes, aliosve pios usus. Non ignorabant Patres Tridentini, in multis Provinciis passim Clericorum & Episcoporum Testamenta ad usus profanos, tolerari & valida reputari: nihilominus non obstante hac sibi nota consuetudine, novis interdictis & monitis urgent observationem antiquorum Canonum, ne ex redditibus Ecclesiæ Consanguineos, familiaresve

Y y 4 suos

redimere possunt licentiam testandi, solutis annue sex, quatuor, aut duabus florensis juxta modum redditum.

704 *Sectio IV. Tit. XVIII.*

suos augere studeant; sed si pauperes sint, iis ut pauperibus distribuant, Sicut Electio ad Beneficium Ecclesiasticum minus digni, omisso digniore, in foro contentioso non reprobatur; eligens tamen in foro conscientia incurrit peccatum acceptationis personalum, violat Justitiam distributivam, & deest obligationi sua erga Ecclesiam: ita Testamenta Clericorum de Proventibus Ecclesiasticis in usus profanos, aut favorem Consanguineorum non indigentium, non reprobatur in foro contentioso propter odia litium; non tamen existimunt ipsos disponentes ab injustitia, neque hæredes ab obligatione, hos proventus dispensandi juxta intentionem offerentium, & naturam ipsorum bonorum 66).

§. 460.

66.) Conc. TRID. sess. 25. c. 1. de Reform. BoëTIUS EPO Antiquit. Eccles. Syn. tagm. 1. in C. 1. de Testam. n. 77. seqq. THOMASSINUS vet. & nov. Discipl. Eccl. p. 3. lib. 2. c. 47. seqq. S. BENARDUS Epist. 276. ubi monet Pontificem, ut irritum declareret Testamentum Episcopi, tanquam ab homine non sanæ mentis factum, quo pauca Ecclesiæ & pauperibus, pleraque Nepotii linquebantur.

§. 460. Religiosus Professus non *Religiosi*
potest Testamentum condere, nisi *Professi*
accedat licentia Pontificis 67.). Posse *an pos-*
autem Pontificem id ex justis causis *sint Te-*
concedere, probant ex eo, quod *stamen-*
*jure mere humano impedian tur Re-*ta fa-
ligiosi testari, etiam cum facultate *cere?*
sui Prælati. Unde licentia Pontificis
non est dispensatio in Voto Pauper-
tatis. Sicut enim illæso hoc Voto
potest Superior concedere usum ali-
quarum rerum, consumptionem, aut
alienationem earundem: ita etiam
posset salvo Voto Paupertatis conce-
dere facultatem testandi: hæc igi-
tur solo jure humano negatur Pro-
fesso 68.). Si autem Testamentum
factum sit ante Professionem, quæ-

Y y 5 ritur,

67.) C. 7. XIX. q. 3. C. 2. de Testament.
Auth. Ingressi. C. de SS. Eccles.

68.) Equitibus Religiosis facultatem te-
standi potest concedere Magnus Ordini-
nis Magister. Religiosus ad Episcopatu-
m promotus, quidquid acquirit, Ec-
clesiae suæ acquirit, cum sola libera ad-
ministratione, ut constat ex C. un. XVIII.
q. I. administratio autem morte finitur;
proin non valebit dispositio post mortem,
seu Testamentum absque speciali lice-
tia Pontificis.

706 *Sectio IV. Tit. XVIII.*

ritur, an hæreditas ex eo debeatur hæredi, & Legata Legatariis mox post Professionem Testatoris, an expectanda sit mors naturalis? Si sufficienter constet de voluntate Testatoris, ea accurate observanda est 69.). In dubio hujus voluntatis, si Religio sit capax possidendi Bona in communi, Testamentum non habebit effectum usque ad mortem naturalem Professi; interim autem Monasterium potietur omnibus his Bonis 70.); si vero Religio sit succedendi incapax, verius est, in dubio de voluntate

69.) Ex quibus conjecturis deprehendatur hæc voluntas testatoris, tradit SANCHEZ lib. 7. c. 3. n. 60. seqq.

70.) ANTON. DE GAMA Decif. 316. n. 6. & plurimi allegati apud SANCHEZ loc. cit. n. 55. ubi n. 56. advertit ex GUTIERREZ Canon. quæst. lib. 2. c. 1. n. 53. si hæres vel Legatarius in ejusmodi testamento scriptus, decedat ante mortem naturalem testatoris Professi, talem hæreditatem aut Legatum fieri caducum, & permanere apud Monasterium. Si ingressus Religionem haberat Majoratum, an Monasterium usque ad mortem ejus naturalem habeat usumfructum, examinat DIDACUS SPINO Specul. Testam. gloss. 12. n. 32. seqq.

tate testatoris, hæreditatem ac Legata deberi mox a die Professionis, quia Professus in tali Monasterio reputatur, acsi esset naturaliter mortuus.

§. 461. Ad quæstionem, an Religiosus post Professionem possit re-^{Aut fa-}vocare Testamentum ante Professio-^{ctas re-}vocare? nem factum, respondent omnes, hoc non esse integrum Professo, quando Monasterium est succedendi incapax. Supposita autem succedendi capacitate, revocandi consentiente Prælato facultatem aliqui tribuuut, ex paritate, quod donatio mariti in conjugem facta confirmetur quidem, si maritus deportetur, ita ut fiscus ea bona donata ad se trahere non possit: nihilominus per hanc civilem mariti mortem non omnino fiat irrevocabilis, donec morte naturali fungatur 71.). Convenientior videtur sententia, quæ Religioso post Professionem negat facultatem revocandi

71.) L. 13. ff. & L. 24. C. de donat. int. vir. & uxor. Hanc opinionem tenet FRANC. A MOSTAZZO de Caus. piis: lib. 8. c. 13. n. 56. seqq.

708 *Sectio IV. Tit. XVIII.*

di Testamentum antea factum, quia eadem potestas exigitur in actu dissolvendo, quæ in ipso constituen-
do: Professus autem ita mortuus est mundo, ut nec proprium habere possit, nec de Bonis antea habitus disponere, cum se & sua tradiderit Monasterio. Ex singulari privilegio, quo Professus potest inter liberos suos & in favorem Monasterii di-
sponere 72.), non potest duci ar-
gumentum ad alias dispositiones. Deportato relinquitur facultas re-
vocandi donationem Conjugi fa-
ctam; quia facile potest contin-
gere, ut ex concessione Principis
Civitati restituatur 73.). Concedi-
tur tamen Professo, ut Testamen-
tum antea factum declaret, si forte

dicitur.

72.) Auth. si qua mulier. C. de SS. Eccl.
quæ decisio a summis Pontificibus sal-
tem tacite approbata censetur. MOLI-
NA de J. & J. tr. 2. disp. 141. n. 4. LES-
SIUS lib. 2. de Just. c. 41. dub. 10. n. 82.

73.) Vid. EMAN. RODRIQUEZ Quæst.
Regular. tom. 3. quæst. 16. art. 3. & q. 69.
art. 3. SANCHEZ in Præc. Dec. lib. 7.
c. II. n. 5. Rot. Roman. coram JACO-
BO EMERIX Decis. 1187. n. 5. & 6.

dubium oriatur: nihil enim nunc dat,
sed datum significat 74.).

§. 462. In omni Testamento in-
stitui debet hæres: est autem Hære-
ditas, Universitas rerum a defuncto
relicta, omnia Jura, commoda & in-
commoda comprehendens. Institu-
tio debet esse certa, directa, nec ex
alieno arbitrio dependens. Dicit Pon-
tifex 75.), non decedere intestatum,
qui extremam voluntatem in alte-
rius dispositionem committit. Va-
riæ sunt de hoc Pontificio Responso
Doctorum interpretationes, ne a di-
spositione Legum Civilium discede-
re videatur 76.). Restringi hæc Pon-
tificis doctrina potest non tantum
ad solos Clericos, de quibus ibi fer-
mo

74.) L. 21. §. 1. ff. qui testam. fac. poss.

75.) INNOCENTIUS III. in c. 13. de Te-
stam.

76.) ANTON. DADINUS ALTESERRA
in Comment. ad dictum Capitulum re-
jectis variorum explicationibus, putat,
responsum Innocentii, quod inscribitur
Altissiodorensi Episcopo in Gallia, re-
ferri ad consuetudinem Gallicanam,
cujus forte non inscius fuit Pontifex,
utpote olim Alumnus Academias Pa-
riensis.

710 Sectio IV. Tit. XVIII.

mo est; sed etiam ad singularem casum, ubi odiosum privilegium Episcopo concessum succedendi Clericis intestato decedentibus, merito limitatur, ut locum non habeat, quando Clericus ultimam voluntatem suam saltem alieno arbitrio committit.

Pure autem S. 463. Hæres potest institui, vel unus, vel plures; personæ singulares vel Communities; etiam in re certa, non tamen in aliena; sub quacunque verborum forma; pure vel conditionate. Conditio potestativa etiam filio quoad Bona ultra Legitimam adscribi potest; de casuali disputant Legistæ 77.). Hac si Institutioni adscripta sit, nihil interest, quandocunque impleatur; potestativa autem regulariter post mortem testatoris est implenda; antea enim nondum constat de perseverante testatoris voluntate: & sic ante mortem impleta, adhuc semel est implenda, nisi conditio non sit iterabilis E. G. si Presbyteratum suscepere. Conditio impossibilis vel tur-

77.) Vid. FRANC. BARRY de Successionibus. lib. 2. tit. 2.

turpis alios quidem contractus vitiat: sed ultimis voluntatibus adjecta, ipsa vitiatur, & pro non adjecta habetur. Si dies tanquam terminus *ad quem* adjicitur, hæres institutus semper manet hæres: si tanquam terminus *a quo*, mentio diei detrahitur, & hæres pure institutus censetur. Dies igitur certus pro non adjecto habetur quoad quæstionem *An?* sed intuitu quæstionis *Quando?* si dies certus ultimis voluntatibus adjicitur, nec cedit nec venit dies, ante diei adventum.

§. 464. Dictum est, Conditionem *Condi-* impossibilem vel turpem, ultimis *tio am-* voluntatibus adjectam, vitiari, & *plecten-* pro non adjecta haberi, ita ut hære- *dæ Reli-* ditas vel Legatum præstari debeat, *gionis* licet conditio non impleatur. Con- *Catho-* trovertitur, an hoc referri debeat *lic&* Conditio mutandæ Religionis, quan- do quis hæres instituitur, vel Lega- to honoratur sub conditione, si Ro- mano - Catholicam Religionem am- plectatur? Non agimus de Legitima hæredi necessario absque ulla conditionibus relinquenda: nec loqui- mur de Bonis Feudo vel Fideicom- misso subjectis, de quibus Testator

pro

712 *Sectio IV. Tit. XVIII.*

pro arbitrio suo disponere non potest. Juris - Consulti Acatholici Germaniae communius affirmant, ejusmodi conditionem ultimae voluntati adjectam, pro non scripta haberi, ut pote turpem, in honestam, conscientiam repugnantem, & juridice impossibilem: proin deberi hereditatem vel Legatum, licet Catholica Religio ab instituto herede vel Legatio non suscipiatur 78.). Putant enim conscientiam heredis vel Legatarii laedi, si veritatem Evangelicam semel agnitam deserant, & aliam

Re.

-
- 78.) Ita docent CARPOVIUS Decis. illustr. 89. KNIPSCHILD de Fideicommiss. Familiar. Nobil. c. 6. n. 407. seqq. RUMELINUS ad Aur. Bull. Caroli IV. p. 3. Dissert. 6. Coroll. m. f. 845. CRANIUS de Constit. Relig. part. 2. problem. 7. BRUNNEMAN ad L. 15. ff. de Condit. Instit. BÖHMER Dissert. prælim. de Jure circa libert. conc. §. 49. in tom. 2. Jur. Eccl. Protest. REINHARTH ad Christinæ Decis. Vol. 4. observ. 24. SYRINGUS sub Præsidio Pingitzeri de Pace Religionis thes. 45. GEORG. ADAMUS STRUVIUS Sytagm. Jur. Civ. Exercitat. 33. thes. 50. & PETRUS MÜLLERUS ibid. SCHILTERUS prax. Jur. Rom. in foro Germ. tom. 2. exercit. 33. §. 100.

Religionem', de cuius veritate non adeo convicti sunt, ex animi levitate, vel sola spe lucri arripiant: Legatum sub conditione, si arbitratu Titii Seja nupserit, præstari debere, etiamsi Seja sine arbitratu Titii nupserit 79.): ob majorem rationem idem in Legato sub conditione Religionis, arbitratu Testatoris mutandæ, statuendum esse, cum mutatio Religionis æque, imo magis libera, ac matrimonium esse, nec ab arbitratu alterius dependere debeat. Turpem dicunt ejusmodi conditio-
nem, quæ Religionem ære quodammodo æstimabilem censeat; Legibus etiam adversam, quibus cautum est, quod nemo alienos subditos ad suam Religionem pertrahere debeat 80.). Si hoc Statibus Imperii non liceat, multo minus licebit privatis testatoribus. Confirmantur hæc exemplo Saxonie Ducis Henrici, qui fratri Georgii hæreditatem adiit & obtinuit, non

Z z ob-

79.) L. 72. §. 4. ff. de Condit. & De-
monstr.

80.) I. P. W. Art. V. §. 30.

De Jure Rer. Eccles. Pars poster.

714 *Sedio IV. Tit. XVIII.*

obstante conditione in testamento Georgii adjecta de retinenda Religione Catholica 81.). Demum facile sibi persuadent allegati Acatholici Scriptores, Catholicos rejecturos ejusmodi conditionem, si testator Lutheranus hæredem institueret sub conditione amplectendi ritus Lutheranos: censem proin, idem esse judicium de Testatore Catholico.

*Potest in
Testa-
mento
adjici;* §. 465. Contrariam sententiam, quod scilicet conditio impleri debeat, si quis hæreditatem aut Legatum sub conditione retinendæ, vel assumendæ Religionis Catholica relictum obtinere cupiat, tenent & egregie propugnant, non tantum Catholici 82.), sed nonnulli etiam Acatholici Do-
cto-

-
- 81.) SLEIDANUS lib. 12. ad Ann. 1539.
82.) Juris-Consulti DILINGENSES Com-
pos. Pacis. c. 6. q. 49. n. 203. seqq.
BUCKISCH ad Instrum. Pac. Art. V. §.
35. observ. 97. ANT. HERMANNUS DE
CHLINGENSPERG Consil. Civil. tom. 2.
Conf. 8. P. VITUS PICHLER Jur. Can-
pract. decif. 128. Colendissimus D. Col-
lega JOAN. PAULUS SUTOR Elect. Jur.
& Fori hodierni. concl. 60.

to
o-
ile
ici
os
or
ub
e-
u-
n,
it,
ub
n-
p-
,
Zores 83.). Nam quilibet rerum sua-
rum arbiter, in actu ultimæ volun-
tatis apponit valide conditionem,
quam vult, & quam velle potest:
conditio autem amplectendæ Reli-
gionis Catholicæ semper in Imperio
approbatæ & laudatæ, nec natura,
nec jure, nec facto hominis, nec
perplexitate impossibilis, nec contra
bonos mores est 84.): consequen-
ter apponi ultimæ voluntati potest;
nam testator hæredem suum non
vult adducere, ut cæce ex animi le-
vitate, & sola spe lucri Religionem
mutet; sed invitat, ut motivis bene
perpensis, ope Illustrationis Divinæ
agnitam veritatem amplectatur; aut
vicissim, si in suo errore pertinaciter

Z z 2

per-

-
- 83.) Scabini MAGDEBURGENSES, ut ex
Alemanno refert CARPOV. cit. Decis.
89. n. 1. Facultas Jurid. LIPSIENSIS,
eius Responsum integrum recenset
FRID. GOTTLIEB STRUVIUS Introduc.
ad prax. Jur. Can. part. 2. cas. 69. BER-
NARDUS BERTRAM Dissert. de Pace
Religioni data. inter Discurs. ab Aru-
mæo collectos. Vol. 1. fol. 238. a n. 32.
§4.) His modis aliquid impossibile dici-
tur. PETRUS ANT. DE PETRA de Po-
test. Princ. c. 3. q. 3. n. 3.

perseveret hæreditate abstineat. Li-
cet igitur tali hæredi vel Legata-
rio lucrum temporale occasio sit
conversionis, non tamen est finis
principalis.

Cum ni- §. 466. Si Leges Imperii con-
bil fiat lamus, Religio Catholica non solum
contra est tolerata in Imperio, sed semper
Leges: approbata, confirmata, & commen-
data sub nomine veteris Religionis,
& adhuc hodie a moderationibus A-
catholicis tanquam secura & ad sa-
lutem consequendam idonea agno-
scitur: Protestantica autem, tan-
quam nova, fuit frequenter Legi-
bus Imperii proscripta, & tandem
post longa & cruenta bella ad evi-
tandum majus malum tolerata, ita
ut improbatio doctrinæ nunquam,
sed tantum proscriptio & pœna ab
Imperatoribus abrogata sit, qui eam
adhuc hodie improbando tolerant.
Unde nihil apparet fieri Legibus con-
trarium, nihil contra honestatem,
aut conscientiam, si quis ad hære-
ditatem vel Legatum vocetur sub
conditione revertendi ad antiquam
Majorum suorum Religionem, &
actu revertatur. Neque læditur li-
bertas Religionis: sicut enim testa-
tor

tor libertatem habuit instituendi aut honorandi hunc vel illum, ita etiam institutus, aut Legato honoratus libertatem plenam habet, retenta sua Religione, repudiandi hæreditatem. Pax Westphalica, prohibens, ne Status Imperii alienos subditos ad suam Religionem pertrahat, confirmat priores Leges, quæ carent, ne quis vi aut dolo subditos alterius status ad suam Religionem solicitet, eorumve protectionem suscipiat cum præjudicio proprii Domini 85.). Nihil simile contingit per Legatum conditionatum. Improbant quidem Leges Legatum sub conditione, si Seja arbitratu Titii nupserit, quia hac ratione libertas & voluntas a persona instituta in tertium transferretur, quod Jura nolunt in Matrimonio & Testamento. Econtra approbant Leges

Z z 3 ges

85.) Pax Religiosa Augustæ ann. 1555. ad quam se refert Pax Westphalica, cavit §. 23. Es soll auch kein Stand den andern, noch desselben Unterthanen zu seiner Religion dringen, abpracticiren, oder wider ihre Obrigkeit in Schuz und Schirin nehmen, noch vertheydigen in keinen Weeg.

718 *Sectio IV. Tit. XVIII.*

ges conditionem, si *Titio nupserit*, modo possit *Titio honeste nubere* 86.) ; cur non pariter approbetur conditio, si *Catholicam Religionem amplectatur?* nemo enim tam impudens erit, ut id honeste fieri posse neget. Conditionem jurisjurandi remittunt quidem Leges 87.) : nihilominus compellitur quis facere id, quod facturum se jurare jussus est, solo jurejurando remisso. Unde si quis institueretur sub conditione, ut juret, se amplexurum *Catholicam Religionem*; ex dispositione Legum Civilium non quidem teneretur jurare, sed tamen teneretur amplecti *Catholicam Religionem*, si gaudere velit hæreditate vel Legato.

*Exemplum
contrarium
non est
curandum.*

§. 467. Exemplum Henrici Saxoniae Ducis parum movet. Non enim hoc loco discutimus, quo iure omnia acta fuerint Anno 1539, postquam Anno 1536. fœdus Schmalcaldicum inter Principes Protestantes initum, cui Elector, ceterique Dukes

-
- 86.) L. 63. §. 1. ff. de Condit. & Demonstr.
87.) L. 8. §. 4. ff. de Condit. Instit. & L.
26. pr. ff. de Condit. & Demonstr,

ces Saxonæ præter solum Georgium adhæserant, proni ad arma contra Cæsarem & Catholicos arripienda: nec de Principatibus Imperii nobis sermo est, in quibus stabilita Agnatorum successio non permittit testatoribus liberam dispositionem. Demum magna est disparitas inter conditionem assumendi Religionem Catholicam, semper in Imperio approbatam & laudatam; & inter conditionem sequendi ritus improbando toleratos, ut supra monuimus 88.).

§. 468. Quosdam ab hæreditatis Qui pos-
bus capiendis ut *indignos* excludunt *sint in-*
Leges 89.), ob vim illatam testatori, *stitui*
necem ejus non vindicatam, vel gra- *hæredes?*
vem injuriam ejus memorie inustam.
Tanquam *incapaces* excluduntur Hæ-
retici; Apostatae a Fide Christiana;
banniti; damnati ad ultimum sup-
plicium; liberi reorum criminis læ-

Z z 4 fæ

88.) Fusius hoc argumentum explicat P.
PICHLER cit. decif. 123.

89.) In Pandectis *de His que ut indignis auferuntur.* Et in Codice *De his, quibus &c. ut indignis hereditas auferatur.*

720 *Sedio IV. Tit. XVIII.*

ſe Majestatis; Collegia illicita; Com-
munitates Judæorum; Conventus
Fratrum Minorum de Observantia &
PP. Capuccinorum, ob speciales Ordi-
nis sui Constitutiones. Aliæ Do-
mus Religiosæ, Bonorum tempora-
lium etiam in communi non capa-
ces, uti sunt Domus Professæ Socie-
tatis Jesu, scribi quidem hæredes
possunt: si tamen immobilia ipsis in
Testamento relinquuntur, debent ea
vendere, & pretium in necessarios
usus convertere. Liberi naturales
incapaces sunt hæreditariæ institu-
tis respectu patris ultra unciam, quan-
do extat legitima proles; spurii ex
damnato coitu respectu utriusque
parentis 90.). In Gallia, & quibus-
dam aliis Provinciis excluduntur ab
hæreditatibus *alibi nati*, qui quidem
nunc in Gallia sedem fixerunt, non-
dum tamen jus Civitatis obtinue-
runt, seu ut vulgo dicunt, non na-
tura-

90.) Filios Naturales Canonicorum Ca-
thedralium Protestantium, quales sunt
Osnabrugæ, posse institui hæredes,
præjudicio firmare conatur Ill. D. DE
CRAMER Nebenstunden part. 4. N. 6.

turalisati. Vocatur Jus Albinagii, Albinatus &c. quo Fiscus loco Albiorum trahit ad se hæreditates 91.). In aliis Provinciis certa pars hæreditati in alium locum transportandæ detrahitur, quæ gabella hæreditaria dici solet, cuius quantitas variat: plerumque est pars decima. Ecclesia ægre fert, si ex testamentis Episcoporum ac Clericorum ditentur eorum Nepotes. Nimia S. CYRILLI Alexandrini solicitude erga Consanguineos maculam aliquam inussit memoriæ hujus Sancti Præsulis, qui in testamento plurimis & magnis Legatis honoravit Successorem suum, conjurans eum per venerabilia & terribilia mysteria, ut ipsius foveret genus, & in nullo eis labore incuteret 92.): Dio-

Z z 5 scorus

91.) De hoc jure Albinagii vid. RENATUS CHOPPINUS de Privileg. Rustic. lib. 3. c. 8. CHRISTINÆUS Decif. Belg. vol. 5. Decif. 228. Les Loix Civiles dans leur ordre naturel tom. 3. fol. 31. 61. 75. & aliis ibi citatis.

92.) Ita de Avunculo suo scribit ATHANASIUS ad Leonem Pontificem, prout refertur in Concil. CHALCEDONENSIS Act. 3. apud HARDUIN. tom. 2. col. 331.

722 *Sedio IV. Tit. XVIII.*

scorus tamen, qui Cyrillo successit, hæredes ejus violenter oppressit. Idem fatum passi sunt Nepotes Herivæi Episcopi Rhemensis a Seulfo Herivæi Successore 93.). Plerumque liberalitas Episcoporum & Clericorum in Nepotes, turbat Ecclesias, nec seris prodest posteris.

*An Ec-
clesia?*

§. 469. Ecclesiis per Judices Ido-
lolatas antea oppressis, singulari-
ter providit CONSTANTINUS M. data
Lege Anno 321. 94.), vi cuius ha-
beat unusquisque licentiam sanctissimo Ca-
tholico, venerabilique Concilio decedens
Bonorum, quod optaverit, relinquere:
Et non sint cassa judicia ejus. Quam
liberaliter hac concessione usi sunt
Fideles, constat ex Annalibus Eccle-
siasticis 95.). Favorem Ecclesiis col-
latum in suam avaritiam vertebant
nonnulli Clerici, qui viduarum aut
puellarum hæreditates aucupaban-
tur,

93.) FLODOARDUS Histor. Rhemens. lib.
4. c. 18. 35. Plura talia exempla re-
fert CHRISTIANUS LUPUS tom. 2. fol.

44. ad Capitul. 9. Latrociniij Ephesini.

94.) L. I. C. de SS. Eccles.

95.) Vid. THOMASSIN. de vet. & nov.
Disc. Eccles. p. 3. lib. I. c. 16. & 17.

tur, ita ut VALENTINIANUS Imperator coercere eos debuerit Lege ad Damsum Pontificem Romanum missa 96.), & lecta in Ecclesiis Urbis Romæ Anno 370. qua cavetur, ut Ecclesiastici Viduarum ac pupillorum domos non adeant . . . Et nihil de ejus mulieris, cui se privatim sub praetextu religionis adjungerint, liberalitate quacunque, vel extremitate judicio, possint adipisci Eccl. Eccl. Nihil hac Lege Ecclesiis vel pauperibus (idem censebatur esse, sive relinqueretur pauperibus, sive Ecclesiæ, quæ pauperes alit) præjudicatum fuit, nec derogatum Testamentis in horum favorem conditis: singulorum Clericorum aut Monachorum tunc grassanti cupiditati obviabatur. Longius progressus erat THEODOSIUS Anno 390. occasione turpissimi cuiusdam facinoris, constituendo, ut Diaconissa, quæ liberos domi haberet, nihil de monilibus & supellectili, nihil de auro, argento, ceterisque claræ Domus insignibus, sub religionis defensione consumat . . . ac si quando diem obierit, nullam

96.) L. 20. Cod. Theod. de Episc. Eccles. & Cler.

724 *Sectio IV. Tit. XVIII.*

lam Ecclesiam, nullum Clericum, nullum pauperem scribat hæredes 97.). Hanc Legem XI. Kalend. Jul. Mediolani latam, mox post duos menses X. Kalend. Septemb. urgente S. Ambro-
fio, revocavit idem Imperator 98.), Plenius autem Leges Ecclesiis minus faventes interpretatus & moderatus est MARTIANUS Imperator Anno 455.
99.), antiquatis omnino Legibus Valentiniani & Theodosii. Legem autem Martiani JUSTINIANUS in suum Codicem transtulit 100.), ubi genera-
li Lege sancitur, sive Vidua, sive Dia-
niſſa,

97.) L. 27. Cod. Theod. ibid. De hac Lege S. HIERONYMUS Epist. 2. ad Ne-
potianum de Vita Clericorum c. 7. sic loquitur: *Pudet dicere: Sacerdotes Ido-
lorum, mimi & aurige, & scorta ha-
reditates capiunt: solis Clericis & Mo-
nachis hoc Lege prohibetur, & prohibe-
tur non a persecutoribus, sed a Princi-
pibus Christianis. Nec de Lege conque-
ror, sed doleo, cur meruerimus hanc
Legem &c. &c.*

98.) L. 28. Ibid.

99.) In Novella de Testam. Cleric. quæ
habetur in nova Editione Codicis Theo-
dosiani tom. VI. Novell. lib. III. tit. 6.

100.) L. 13. C. de SS. Eccles.

nissa vel Virgo Deo dicata, vel sancti-
monialis mulier, sive quocunque alio no-
mine religiosi honoris vel dignitatis feme-
na nuncupata, vel testamento, vel Codic-
ilio suo, quod tamen alia omni juris ra-
tione munitum sit, Ecclesie, vel Marty-
rio, vel Clero, vel Monachio, vel pau-
peribus aliquid, vel ex integro, vel ex
parte, in quacunque re vel specie, cre-
diderit relinquendum, id modis omnibus
ratum, firmumque constat i.).

§. 470. Majorem Ecclesiarum ac *Opinio-*
Causarum piarum reverentiam inge-
nes fa-
nerare conantur SS. Canonum Inter-
vorabi-
pres, qui variis testamentis ad nor-
les Ec-
nam Legum Civilium non confectis, clefis
efficaciam tribuunt in favorem pia-
Ec-
rum causarum. Non tantum ejus- clefiasti-
modi Testamenta pia ab omnibus cis.
scrupulosis solennitatibus libera esse
statuunt (§. 446.): sed etiam inha-
bilitatem testatoris, quæ a Legibus
Civilibus provenit, non attenden-
dam esse defendunt, modo Testa-
menta vel Legata in favorem Cau-
sæ piæ concepta sint: nihil amplius
desi-

i.) Vid. BARONIUS ad Ann. 390. n. 67.
seqq. item ad Ann. 455. n. 25. seqq.

726 *Sectio IV. Tit. XVIII.*

desiderari credunt, præter ea, quæ
jus naturale in quolibet actu huma-
no requirit, scilicet, ut persona di-
sponens sit mentis & maturi judicij
compos, sufficientem præbeat assen-
sum, ac de re sua disponat sine ullo
tertii præjudicio; pro foro autem
contentioso conveniens probatio
præsto sit. Quamvis meo judicio
facultas efficaciter testandi nequa-
quam ex Jure naturali, sed ex Le-
gibus positivis trahatur (§. 436. seq.):
Jus Canonicum autem nullibi reddat
habiles, quos Leges Civiles habent
pro inhabilibus ad testandum, imo
supponat, filiosfamilias, prout Le-
ges decernunt, non posse testari pro
anima sua, nisi ex peculio Castrensi
vel quasi Castrensi 2.): Nihilominus
benignæ sententiæ causis piis faventi,
adeo me non oppono, ut potius
vehementer gratuler Ecclesiis & Cau-
sis piis, si Tribunalia, quibus exe-
cutio ultimarum voluntatum incum-
bit, assistant ejusmodi Testamentis
piis, non attenta inhabilitate testa-
toris.

2.) C. 4. de Sepult. in 6.

toris. Nam Lex Constantini 3.) yult, ut habeat *unusquisque* licentiam relinquendi Ecclesiis Catholicis, quantum voluerit: & Jus Canonicum id solummodo cavit, ne filiusfamilias ad Causas pias testetur cum *præjudicio Patris*, scilicet de iis Bonis, quorum ususfructus eidem competit. Alia sententia singulariter favens Clericis circa testamenta est, quod omnia Bona a filiofamilias Clerico, saltem Minoribus Ordinibus, vel prima solummodo tonsura insignito acquisita, quæ in Laico adventitia es- sent 4.), habeantur pro Castrensi- bus vel quasi Castrenibus: proin talis Clericus, licet sit adhuc in pa- tria

3.) L. 1. C. de SS. Eccles.

4.) Authentica mox alleganda nominat res ad eorum dominium venientes: Unde non intelliguntur Bona profectitia, quorum dominium pertinet ad patrem. Nihilominus quæ Pater filiofamilias in sua potestate constituto, donat intuitu Clericatus, habentur pro quasi-Castren- sis. FRANC. DE CALDAS ad L. fi curatorem, in definit. V. lœsis. n. 103. C. de in integr. restit. COVARRUV. in C. quia nos. n. 1. de Testam.

728 *Sectio IV. Tit. XVIII.*

tria potestate constitutus, de his
possit libere disponere inter vivos &
mortis causa §.).

Quinam §. 471. Hæredes in Legibus Ro-
debeant manis *Necessarii* tantum vocantur, qui
institui? abstinere ab hæreditate non possunt,
quales erant servi instituti a Domino
suo, in cuius potestate erant mortis
tempore. *Sui & Necessarii*, sunt Li-
beri, qui tempore mortis fuerunt
in potestate Patris Testatoris. *Sui-
tas* est fictio, qua omnium jurium a
defuncto Patre prosectorum in De-
scendentibus proxime in ejus familia
existentibus immediata quædam fit
continuatio. Unde hæredes sui &
necessarii, ipso jure, licet ignoran-
tes acquirunt hæreditatem. Hodie
passim

5.) L. Sacrosanctæ. 34. & subjecta Auth.
Presbyteros. C. de Episc. & Cler. Quæ
Leges, si per C. quia nos. 9. de testam.
non sufficienter confirmatæ censeantur,
certe vim habent ex tacita Pontificum
& Ecclesiæ approbatione. SANCHEZ
ad Præcept. Decal. lib. 7. c. 13. n. 31.
seqq. PASSERINUS ad Cap. 4. de Se-
pult. in 6. n. 20. Rota Rom. Decis.
166. n. 50. part. 8. & Decis. 533. n.
53. part. 14. Recent.

passim necessarii vocantur, qui præteriri non possunt: nec magna est differentia inter hæredes suos & extraneos: hi enim hæreditatem repudiare; illi ab eadem abstinere possunt. Hæredes igitur, qui hodie dici solent *necessarii*, institui debent, saltem in Legitima, nullo onere gravata, honorabili titulo hæredum, vel nominatim excludi.

s. 472. Hæredes necessario insti- *Saltem*
tuendi sunt I. Liberi legitimi, ho- *in Legi-*
rumque præmortuorum Descenden- *timæ*
tes, etiam Posthumi, & hodierno
jure etiam emancipati. II. Filii Na-
turales respectu Matris tantum. III.
Deficientibus Liberis Parentes: & his
non existentibus, Ascendentes alii
gradu propinquiores. IV. Germani
& Consanguinei Fratres & Sorores,
quando ipsis absque justa causa præ-
teritis institueretur persona turpis.
Hi tamen hæredes necessarii non in
tota substantia institui necessario de-
bent, sed saltem in portione Legi-
tima, quæ hodie respectu Liberorum
est Triens, si quatuor sint, vel pau-
ciores; semis autem, si quinque vel

A a a plu-

De Jure Rer. Eccles. Pars poster.

730 *Sectio IV. Tit. XVIII.*

plures 6.). Eadem portionis legitimæ quantitas observanda est respetu parentum ac fratum. Olim quidem quadrans substantia defuncti designatus erat, ne quis querela in officiis agere possit 7.): sed recentiori jure aucta est Legitima portio usque ad Trientem, *in omnibus personis*, *in quibus ab initio antique quartæ ratio de in officiis lege decreta est* 8.): consequenter idem tenendum est de parentibus & fratribus.

Causæ exhæredandi. §. 473. Possunt tamen, qui hæredes necessarii dicuntur, exhæredari ex justa causa, diserte in Testamento expressa, & ab hærede instituto probanda. Causæ exhæredandi Liberos enumerantur quatuordecim 9.), quæ omnes gravem ingratitudinem in Parentes continent, hac addita clausula, *ut præter ipsas nulli liceat ex alia lege ingratitudinis causas opponere,* nisi

6.) Auth. novissima. C. de in offic. testam. Novell. 18. c. 1. Nov. 22. c. 48. Nov. 39. o. 1.

7.) S. 3. & fin. Inst. de In offic. testam.

8.) Cit. Nov. 18. c. 1.

9.) Novell. 115. c. 2.

nisi que in hujus Constitutionis serie continentar. Vicissim causæ exhæredandi Parentes referuntur octo 10.): & tres pro exhæredandis fratribus 11.). Si causa exhæredandi sit vel nulla, vel iniqua, rescinditur Testamentum querela inofficiosi: si vero causa sit plane omissa, vel non in jure expressa, Testamentum nullum est.

A a a 2 §. 474.

-
- 10.) Ibid. C. 4.
11.) Novell. 22. c. 47. Memoriæ gratia,
omnes istæ causæ comprehenduntur
his versibus:
His natum ex causis exhæredare licebit:
Si (1.) feriat graviter, (2.) dedecoretve
(Patrem :
Vel (3.) damno afficiat, nec (4.) ab hosti-
(bus ære luebat :
Si (5.) Magus, aut (6.) Mimus, (7.) Na-
(tave fit meretrix :
(8.) Criminis (hæc etiam valet exclusiſſe
(parentes
Et reliquæ) accusans, (9.) infidiasve
(ſtruens :
Aut (10.) patris aut nati capitî impia cor-
(nua ponens :
(11.) Testari prohibens, (12.) hæreti-
(cosque sequens :
Non curans (13.), teneant si vincla (14.)
(furorve parentem.
Octava & fratri, & tertia, nona datur.

732 *Sectio IV. Tit. XVIII.*

Onera adeuntis hæreditatem.

S. 474. Hæreditatem sibi delatam adire potest omnis, qui se obligare 12.). Contingit hoc, quando quis tacite vel expresse, verbis, factis aut aliis signis, significat, quod se pro hærede declarare, habere, aut gerere velit 13.). Per aditionem hæreditatis inducitur unitas personæ inter defunctum & hæredem: acquirit hæres jus & dominium omnium rerum hæreditariarum, illudque transmittit ad hæredes suos, etiamsi possessionem actu & corporaliter nondum acceperit: simul autem contrahit obligationem solvendi omnia debita & obligationes defuncti, omnesque actiones passivas in se recipit; teneturque præstare Legata, & Fideicomissa, totamque adimplere voluntatem defuncti, nisi hæc onera excedant vires hæreditatis, quæ adita fuit cum beneficio Inventarii.

Cum igitur hæreditas secum trahat

gra-

12.) Hæres *suis* dicitur se immiscere hæreditati, *extraneus* adire hæreditatem: passim tamen confunduntur hi termini.

13.) Copiose de hoc agit *MENOCHEUS* lib. 4. *Præsumpt.* 100, 101.

gravia onera, Leges hæredi concedunt jus deliberandi per annum, & ultra etiam, si nemo urgeat.

S. 475. Id etiam Jure Romano *Jus acca-*
cautum est, quod nemo Paganus *crescen-*
possit simul testatus, simul intesta-*di*
tus decedere. Unde qui de minima
parte Bonorum testatus fuerit, de
reliquis omnibus testatus esse vide-
tur; reliqua enim Bona ad partem
illam Bonorum trahuntur: & defi-
cientes portiones accrescunt illi, qui
in aliqua parte est institutus, nisi
testator habeat talia Bona, de qui-
bus testari non possit, ut sunt Feu-
dalia. Est autem *Jus accrescendi*, quo
portio vacans adjicitur & accrescit
conjuneto, qui partem suam agno-
vit, ad conservandam hæreditatis in-
dividuitatem, & testatoris voluntatem.
Hæreditatis individuitas exigit, ut il-
le, qui in minima portione, & etiam
in re certa est institutus, totam sub-
stantiam capiat, si nullus aliis ad-
sit hæres 14.). *Voluntas testatoris con-*

A a a 3 fide-

14.) Unde ejus, qui in re singulari hæ-
res instituitur, conditio melior est,
quam illius, cui res singularis lega-
tur. Nam instituto potest accrescere
tota hæreditas, secus Legatario.

734 *Sectio IV. Tit. XVIII.*

sideratur, si hic plures instituit hæredes, disjunctos aliquos, alios conjunctos, ex quibus unus vel non vult, vel non potest esse hæres: aut si plures Legatarios ad eandem rem vocavit, & eos potius sibi invicem, quam hæredem succedere voluit, *Conjuguntur autem Legatarii vel verbis tantum, vel re tantum, vel re & verbis simul 15.*)

§. 476.

15.) L. 89. ff. de Legat. 3. L. 142. ff. de Verb. Signif. Exemplum conjunctionis poni solet istud. *Cajo & Titio lego fundum Tusculanum: Sempronio lego fundum Tusculanum: Ulpiano lego fundum Tusculanum: Mevio & Neratio lego fundum Tusculanum aquis partibus: Juliano lego fundum Sabinum.* In hac Legati formula, Cajus & Titius sunt mixtim, seu re & verbis coniuncti: Sempronius & Ulpianus re tantum: Mevius & Neratus verbis tantum: Julianus cum reliquis nec re, nec verbis. Si igitur deficiat Cajus; accrescit Titio: si Sempronius; accrescit omnibus, quibus fundus Tusculanus legatus est, ita ut Cajus & Titius unam, Ulpianus unam, Mevius & Neratus unam portionem capiat: si deficiat Mevius; accrescit soli Neratio:

ff.

¶. 476. Dicta doctrina, quod ne-
mo paganus partim testatus, partim
intestatus possit decadere, multis
modis fallit, ex quibus unicum an-
notare, præsentis instituti est, scili-
cet hanc Juris subtilitatem non per-
tinere ad Testamenta pia, a Legibus
Civilibus prorsus exempta, sicut non
pertinet ad Testamentum militis.
Potest igitur Testator pius *decedens*
bonorum quod optaverit relinquere Eccle-
sia 16.), five integrum assem, five
certam portionem, aut certam rem,
¶. 476. *& non sint cassa judicia ejus : reliqua,*
de quibus non disposuit, pertine-
bunt

A a a 4

si hic uterque simul deficiat, accrescit
prioribus omnibus, & dividitur in tres
portiones, ex quibus Caius & Titius
unam tantum capiunt: si deficiat Ju-
lianus; ejus portio non accrescit aliis
Legatariis, cum quibus nec re, nec
verbis est conjunctus, sed remanet
apud hæredem. Vid. STRUVIUS Ju-
rispr. Rom. Germ. for. lib. 2. tit. 23.
aphorism. 19. Item in Syntagm. Jur.
Civil. Exercit. 34. tit. 2. thes. 40. &
ibi MÜLLERUS. BARTHOLOMÆUS Ro-
MULEUS, olim Professor Ingolstadien-
sis tract. de Jure accrescendi fol. 81
seqq,

¶. 476.) L. I. C. de SS. Eccles.

736 *Sectio IV. Tit. XVIII.*

bunt ad hæredes ab intestato. Imo si præter Ecclesiam instituisset alium hæredem, hujus portio deficiens non accrescit Ecclesiæ, cum istud jus accrescendi in hæreditate ex eo solo obtineat, ne quis partim testatus, partim intestatus decebat, quod nequaquam stringit testatorem pium: hic enim si deficientem quoque portionem ad Ecclesiam pervenire velit, aperte declarabit voluntatem suam. In aliis Testamentis profanis præsumitur hæc voluntas testatoris, qui se censetur conformare Legibus, statutibus jus accrescendi: cum autem hæ Leges non attingant Testamenta pia, censetur testator nihil aliud voluisse relinquere Ecclesiæ, quam quod expressit. Nihilominus non omnino sentire possum cum JASONE 17.), qui docet, si quis faciat Testamentum ad Causam piam coram duobus testibus, & admiscet Legata profana, quod hæc non valeant, nec tamen accrescant Causæ piz, sed potius

17.) Ad L. hac consultissima. 21, §. ex imperfecto. C. de Testament. n. 10.
Vers. pro clara intelligentia.

tus hæredibus ab intestato. Im-
pugnat Jason doctrinam SALICETI 18.)
qui ponit casum Statuti, quo cave-
tur, ut Testamenta non valeant, nisi
in Archivo publico posita: Testa-
mentum in Archivo non positum,
ubi Ecclesia instituitur, juxta Salice-
tum valebit, quia Statutum istud Ec-
clesiam non obligat: ex quo infert,
quod Legatarii profani ex illo Te-
stamento petere possint Legata ab
Ecclesia, quia ex institutione valida
debentur 19.). Quid de Legatis pro-
fanis Testamento pio insertis tenen-
dum sit, alibi traditur (supra §. 446.).
Posito autem, quod talia Legata ex
quacunque ratione sint prorsus inu-
tilia, nequaquam cum Jafone tene-
ri potest, quod accrescant hæredi-
bus ab intestato: sed potius dicen-
dum, quod maneant in hæreditate,
ad quam ponitur vocata **Causa pia**.

A a a 5 Nam

18.) Ad Auth. *Cassa. C. de SS. Eccles.*
n. 7.

19.) Idem docet TIRAUELLUS de Pri-
vilegiis piæ causæ. priv. 80. in princ.
quamvis postea referat opinionem JA-
SONIS, nec ei contradicat: unde ab a-
liis allegatur pro doctrina Jasonis.

738 *Sectio IV. Tit. XVIII.*

Nam talis portio non dicitur accrescere, sed remanet penes piam Causam tanquam caduca. Unde nulla ratio suadet, ut venientes ab intestato ad eam vocentur, cum illi non succedant, quoties est locus successioni ex testamento 20.).

*Paſtade
heredi-
tate an
valeant?* s. 477. Repudiare hæreditatem, id est, jam delatam rejicere, vel non admittere, potest omnis, qui potest adire 21.). Unde sicut Pupillus se solo non potest adire hæreditatem, ita etiam nec repudiare valet. Renuntiatio hæreditatis est cessio, seu remissio juris, quod quis ad hæreditatem habet, vel habere potest, cum etiam spes ad jus futurum deduci in pactum possit. Renuntiatio, seu pactum circa hæreditatem viventis in specie, sine hujus præscitu & consensu, in favorem alterius facta, etiam-

20.) GRATIANUS Discept. forens. Cap. 605. n. 32. FRANC. A MOSTAZZO de Causis pliis lib. I. c. II. n. 45. seqq.

21.) Abstinere dicitur hæres suus, repudiare hæres extraneus: saeppe tamen confunduntur hæc phrases, sicut supra dictum est de vocibus; immisceri se hæreditati, & adire hereditatem.

etiam si juramento fuerit confirmata, nulla atque invalida est, quia hujusmodi pactiones odiosae esse videntur, & plenæ tristissimi & periculosis eventus... ac contra bonos mores initæ. Valebunt autem, si ipse forte, de cuius hæreditate pactum est, voluntatem suam eis accommodaverit, & in ea usque ad extre-
num vitæ suæ spatium perseveraverit, tunc enim sublata acerbissima spe, licebit eis illo sciente & jubente hujusmodi pactiones servare 22.). Respiciendo ordinationes Juris Canonici, quamvis pactum patri factum a filia, dum nuptria tradebatur, ut dote contenta nullum
ad

22.) L. fin. C. de Pactis. Tanta erat improbitas apud Romanos, ut ex spe consequendæ hæreditatis etiam parentes liberis insidias struerent. Unde JUVENALIS Satyra VI. v. 628. seqq.

*Vos ego, iþpupilli, moneo, quibus amplior
(est res,
Custodite animas, & nulli credite mensæ:
Livida materno fervent adipata veneno:
Mordeat ante aliquis, quicquid porrexe-
(rit illa,*

Quæ peperit.

De Successoriis Pactis juxta hodiernos Germanæ mores videri potest LEYSERUS Specim. 43. seqq.

740 *Sectio IV. Tit. XVIII.*

ad bona paterna regressum haberet, improbet Lex Civilis: si tamen juramento, non vi nec dolo præstito, firmatum fuerit ab eadem, omnino servari debet: cum non vergat in æternæ salutis dispensium, nec redundet in alterius detrimentum^{23).} Hodie ejusmodi renuntiationes Filiorum Illustrium in favorem Fratrum suorum & Descendentium Masculorum, passim sunt in usu: alicubi valent absque juramento: imo in quibusdam Provinciis Filiæ habentur pro renuntiatis, absque ullo renuntiationis actu, reservato tamen regressu, si stirps mascula extinguatur. Cum universim inter Germanos insidiæ hæreditatis causa raræ sint, celsant etiam remedia a Romanis contra tales insidiatores inventa^{24).}

Testamenta Reciproca, §. 478. Pactis successoris annumerantur Testamenta reciproca, in quibus duo vel plures mutuo consensu se invicem hæredes instituunt, vel aliud in eo ad invicem ordinant.

Fiunt

23.) C. 2. de Pactis in 6. Commentarium copiosum in istud Capitulum dat PASERINUS.

24.) Vid. LEYSERUS loc. cit.

Fiunt hæc Testamenta frequenter inter Conjuges. Si scriptura adhibeatur, potest id fieri in duplice charta, & coram diversis testibus; vel etiam in eodem libello per utrumque Conjugem signato & subscripto, coram iisdem septem testibus ab utroque rogatis, qui utriusque Conjugis nomen separatim ac specifice exprimere debent. Passim tradunt Doctores, posse Testamentum reciprocum ab utrovis pro libitu ante mortem revocari, sive unus jam obierit, sive ambo adhuc vivant. Hæc sententia candori Germanorum parum convenire ab aliis judicatur. Nam actus ille est instar reciprocæ conventionis, cum Jure Germanico de hæreditate pacisci liceat. Aut si retineat naturam Testamenti; unum Testamentum respicit alterum velut conditio nem: igitur ex communi conditio num natura Conjux, altero mortuo, Testamentum suum servare debet, quia alias conditionem factæ institutionis non impleret.

§. 479. Cum autem libertas mu-
tandi Testamentum sacrosancta sit *Et circa illa Cau-*
apud Advocatos litium amantes; *telæ,*
nunquam per Testamentum securi
reddun-

742 *Sectio IV. Tit. XVIII.*

redduntur Conjuges: sed pacts do-
talibus sibi consulere debent, modo
hæc in vim Contractus sint concepta.
Quamdiu autem uterque vivit, si
pars una, inscia altera, Testamentum
clam revocet, etiam compars
suum Testamentum tacite revocasse
censetur, quia hoc factum præsumi-
tur sub conditione, quod etiam al-
tera pars Testamentum suum ante
mortem non velit revocare. Hodie
ejusmodi tacitum pactum de revo-
cando testamento, si altera pars re-
vocet, non videtur inesse Testamen-
to, sed deberet expresse adjici. Al-
ter enim sibi imputare debet, quod
Testamentum reciprocum elegerit,
nec lege vel conditione expresse ad-
jecta sibi suisque prospexerit, cum
scire debuisset, omnes ultimas vo-
luntates obnoxias esse mutationi^{25.}).
Hæc intelligenda sunt de casu, quo
constat, Conjuges, vel alias duos ha-
buisse intentionem verum Testamen-
tum

25.) Vid. CARPOV. p. 3. Conſt. 2. def.
12. & Conſt. 7. def. 21. PETRUS PE-
CKIUS de Testam. Conjug. lib. I. c.
43. & 44.

um condendi: s^epe enim ejusmodi pacta reciproca fiunt non de tota substantia, sed tantum de parte, ita ut habeantur pro donatione mortis causa, vel etiam pro donatione inter vivos, cuius executio differtur ad mortem. Quid voluerint pacientes, desumendum est ex verbis & adhibitis solennitatibus.

§. 480. Testamentum statim ab *Testatoris* initio nullum est ob inhabilitatem *mentum* testatoris, ob defectum voluntatis, vel ab solennitatis externæ vel internæ. In *initio est* his casibus datur querela nullitatis *nullum:* intra triginta annos. Testamentum rite conditum resolvitur rursus *Ruptio-* *Irritatione*, *Destitutione*, *Rescissione*. De *rupto*, *irrito* aut *destituto* datur querela nullitatis: *Rescissio* fit ad querelam *Inofficiosi*.

§. 481. I. Rumpitur Testamentum, *Vel re-* quando ejus jus vitiatur, *Adgnatio-* *solvitur* ne posthumus, *Arrogatione*, & *Vo-* *Ruptio-* luntate testatoris mutata, qui tabu- *ne:* las lacerat, nomen hæredis delet, corrumpit: vel aliud Testamentum debito modo conficit. Quamvis au- tem plura Testamenta simul consiste- re non possint, cum Testamento to- ta hæreditas deferatur, nihilominus possunt

744 *Sectio IV. Tit XVIII.*

possunt fieri ejusdem Testamenti plures Codices: hi si sint omnes Originalia, quilibet eorum probat: si singulatum Exemplaria, copia non probat, nisi simul Originale producatur. Si testator in posteriori Testamento dicat, se velle, prius etiam valere; sustinetur prius tanquam Fideicommissum, & haeres in posteriori Testamento scriptus detrahit Trebellianicam. Si Testamenti Scriptura vel tota, vel ex parte deleatur, fieri id debet ab ipso Testatore, vel alio ejus nomine, non fortuito, sed studiose. Unde utile est, litis evitandæ causa, ut testator propria manu adscribat, se studio delevisse Testamentum, aut quamcunque partem Testamenti.

Irritatione:

§. 482. II. Irritatur Testamentum, quando vitium afficit personam testatoris, qui statum mutat, patiendo capit is diminutionem. Simile quid non contingit per Professionem in Religione; nam Testamentum ante ingressum factum, sortitur suam firmitatem per Professionem 26.).

Ante

26.) An tale Testamentum mox post Professionem executioni dari debeat dictum est supra §. 460.

Ante istam potest Novitus mutare
mentem suam, & aliud Testamen-
tum condere, quo rumpatur illud
prius ante ingressum conditum.

§. 483. III. *Destituitur Testamentum,*
quando vitium infirmans illud, di-
recte afficit hæredem, qui moritur
ante testatorem; non implet con-
ditionem; repudiatur hæreditatem vel
abstinet ab ea; aut tanquam inca-
pax adire nequit.

§. 484. IV. *Rescinditur Testamen-*
tum, quando per Judicem infirma-
tur prævia querela Inofficiosi. *Resci-*
fione. Hæc
competit Liberis & Descendentibus,
uti & Ascendentibus, quando ex-
hæredatio Hæredis necessarii non fit
ob causam ingratitudinis in Novella
CXV. expreſſam, vel quando cau-
ſam exhæredationis in Testamento
adscriptam probare nequit hæres in-
ſtitutus: item competit Fratribus
Germanis & Consanguineis, quan-
do ipsis præteritis instituitur persona
turpis. Querela Inofficiosi institui
potest per quinquennium; nec trans-
mittitur ad hæredes, niſi instituta
aut præparata jam fit ab eo, cui

B b b com-

De Jure Rer. Eccles. Pars poster.

746 *Sectio IV. Tit. XVIII.*

competit. Resciso per hanc quere. Iam Testamento, omnia in eo disposita, præter institutionem hæredis firma manent 27.).

*Testa-
menti
Publi-
catio.*

§. 485. Si Testamentum morte testatoris confirmetur, referari illud & publicari debet, ut iis, quorum interest, constet de voluntate defuncti. Seclusa consuetudine pertinet hoc negotium ad Judicem, præsertim si Testamentum factum sit ad Acta, vel de Executore non aliunde constet. Nonnunquam fit privata reseratio mox post mortem, ut appareat, quid testator disposuerit circa funeralia, aut executionem: signantur tamen iterum tabulae inspectæ in solennem futuram publicationem. Solennis autem aperitio fieri solet

post

27.) Novell. 115. c. 3. & 4. Inter recentitos modos, quibus Testamenta resolvuntur, nolui movere quæstionem, quid sentiendum de Testamento, cuius autor post mortem rursus excitatur ad vitam: cui otium est, legere poterit *Commentationem Juridicam HENRICI VERDUYN de Testamento atque hereditate Lazari bis mortui, auctam a TOMAS BOEL.*

post celebrata omnia Officia funebria, citatis omnibus interesse habentibus, quibus originale Testamentum exhibetur, & iis, qui desiderant, communicatur copia illius, relicto spatio hæredibus adeundi hæreditatem, & aliis, si velint, impugnandi Testamentum. Per *Publicationem* proprie intelligitur insinuatio solennis Testamenti, a Judice ad Acta reponendi, ut reputetur pro Instrumento publico 28. Quando in conficiendo Testamento intercedit autoritas Judicis vel Notarii, sine alia solennitate illud fidem publicam meretur. Unde per *Publicationem* vulgo intelligitur nuda prælelio Testimenti coram iis, quorum interest. Si Testamentum ad Acta Judicis extranei depositum sit, con-

B b b 2 veniens

28.) L. 23. C. de Testam. L. 2. C. quemadmodum
Testam. aperiantur. **GOTHOFREDUS** ad
dict. L. 23. lit. b. refert vetustas for-
mulas hujus insinuationis. S. AUGU-
STINUS in Psalm. 21. Enarrat. 2. n. 30.
prælectionem Testimenti paterni ele-
ganter applicat ad Codices sacros, qui
continent voluntatem Christi pro ha-
bis mortui.

748 *Sectio IV. Tit. XVIII.*

veniens est, ut ab hoc etiam publicetur: originale postea, retentis copiis, mittatur ad Judicem, sub cuius Jurisdictione testator defunctus existit. Si lis moveatur de valore Testamenti, pertinebit haec ad Judicem proprium testatoris.

*Inventarii
confe-
tio.*

§. 486. Mox post mortem obseruantur Bona defuncti, factaque reservatione conficitur Inventarium, si hæredes velint, vel absentes velle credantur. Si presumatur, non omnia esse Inventario inserta, desertur hæredi juramentum purgationis, aut aliis de hæreditate expilata suspectis, juramentum manifestationis. Inventario confecto hæres ultra vires hæreditatis non obligatur: conventus opponit exceptionem Inventarii: si vero istud non confecerit, in solidum obligatur Creditoribus, non tamen Legatariis. Plerumque ad haec opus est interventu Judicis, nisi aliud Statuta locorum disponant.

*Circa
Testa-
menta
Clerico-
rum.*

§. 487. Testamenta Clericorum, obsignatio Bonorum post mortem, & confectio Inventarii decentius pertinent ad Episcopum. In quibusdam Provinciis Obsignatio & Inventarium circa

circa Bona defuncti Parochi fieri solet cumulative a Deputato Episcopi & Judice sæculari 29.) : alibi saltem excludi non possunt Magistratus illi, quibus ob curam ærarii cuiusdam ad ratiocinia tenebantur Clerici. In multis Diœcesibus petunt Ordinarii, ut Clerici ante mortem mittant Testamenta sua ad Vicarium Generalem, ibidem confirmando : si hoc omisum, & Testamentum ad Acta Judicis sæcularis repositum sit, Publicatio fit ab eodem Judice sæculari, qui postea mittit tabulas ad Ordinarium pro confirmatione & executione. Si alicubi prætendatur consuetudo, ut neque hæredibus exhibetur originale Testamentum, neque iis liceat interesse confectioni Inventarii ; tales consuetudines adeo sunt irrationalib[us], ut referant speiem arbitriaz spoliationis.

§. 488. Si apertis & publicatis tabulis aliud non obstet, voluntas ultima Testatoris executioni danda est. Sunt autem Executores vel Testamenti

B b b 3 men-

29.) Sic observatur in illis Bavariae Diœcesibus, quæ subjacent Concordatis inter Serenissimos Duces & Ordinarios erectis.

750 *Sectio IV. Tit. XVIII.*

mentarii, vel Legitimi, vel Dativi.
Testamentarii sunt, qui a Testatore
nominantur, mares vel fæminæ, Cle-
rici vel Laici, etiam Minorennes,
etiam Religiosi cum licentia sui Su-
perioris, exceptis Fratribus Minor-
ibus. Si nullus sit nominatus, ex
dispositione Juris Legitimus cense-
tur Executor ipse hæres. In Testa-
mentis piis magna est autoritas Epi-
scopi 30.). *Dativi* sunt, qui casu,
quo nominatus in Testamento, vel
hæres exequi aut non possit, aut non
velit, a Judice aut Magistratu con-
stituuntur. Tenentur autem Execu-
tores, quam primum poterunt, exe-
qui ultimam voluntatem, nisi cer-
tum tempus ab ipso testatore sit de-
signatum: negligentes monendi ac
compellendi sunt a Judice Laico &
Ecclesiastico: si intra annum, vel post
binas admonitiones intra sex menses
non obsequantur, perdunt omne id,
quod ipsis ex Testamento compete-
ret 31.). Regulariter autem ulti-
mam

30.) Novell. 131. c. 10. II. item C. 17. x^o
de Testam.

31.) Auth. hoc amplius. C. de Fidei
commiff. Novell. 131. c. II.

mam defuncti voluntatem ad certas
pias causas, nemo præter summum
Pontificem in alium pium usum com-
mutare potest 32.) : Pontifex autem
negotium plerumque committit E-
piscopis : hi juxta Concilium Tri-
dentinum 33.) tanquam Delegati Sedis
Apostolicæ summarie & extrajudicialiter
cognoscant, nihil in precibus tacita veri-
tate, vel suggesta falsitate fuisse narra-
tum, priusquam commutationes executio-
ni demandentur. Eadem Synodus 34.)
facultatem dat Episcopis, & Ordin-
num Generalibus restringendi nu-
merum Missarum in certis circum-
stantiis : sed neque istud hodie de-
beret fieri inconsulto Romano Pon-
tifice, post Decretum URBANI VIII.
Anno 1625. editum 35.). Circa Com-
mutationes autem eadem est ratio
novæ dispositionis, & antiquæ fun-
dationis piæ.

B b b 4 §. 489.

32.) C. 4. XIII. q. 2. C. 3. de Testam.
Clement. quia contingit. de Relig.
domib.

33.) Sess. 22. de Reform. c. 6.

34.) Sess. 25. de Reform. c. 4.

35.) Bullar. CHERUB. tom. 4. Const. 43.
De

752 *Sectio IV. Tit. XVIII.*

Tradun- §. 489. Pro implenda voluntate
tur quæ defuncti circa institutionem hæredis,
dam Re- notari merentur sequentes doctrinæ,
gulæ. Si unus tantum est institutus hæres,
sive in re certa, sive simpliciter absque determinatione portionis, iste in tota hæreditate succedit (§. 475.).

Si præter illum, qui in re certa est institutus, aliis in certa portione, vel simpliciter absque determinatione portionis hæres nominetur, hic universam hæreditatem capiet, prior autem in certa re institutus habet pro Legatario. Si plures uniformiter instituantur, inter omnes hæritas æqualiter dividitur. Si omnes ex certa re fuerint instituti, cuilibet res sua tanquam prælegata adjudicatur, & reliquum ex æquo dividitur. Si testator singulis hæredibus certas portiones assignaverit, tot unciaæ affem

De Commutationibus ultimarum voluntatum integrum tomum edidit JOAN-
NES PETRUS MONETA. De Commu-
tatione ultimæ voluntatis, qua testa-
tor reliquit stipendium studenti in de-
terminata Academia, videri potest Card.
PETRA ad Const. Pontif. tom. 3. ad
Const. II. Clementis V. fol. 569. seqq.

assem efficiunt, quot testator voluerit, E. G. si tres ex quadrantibus instituerit, hæreditas in tres partes dividitur. Si uni dederit quadrantem, alteri quincuncem, tertio septuncem, hæreditas dividitur commodissime in quindecim partes. Regulariter partium denominatio intelligitur in relatione ad numerum duodenarium. Si testator aliquos ex certis partibus, numerum duodenarium excedentibus, alios simpliciter instituat, tunc hæreditas dividenda erit sub ratione dupondii, vel tripondii. E. G. unus est institutus ex besse, alter ex quadrante, tertius ex sextante, quartus simpliciter, hæreditas sub ratione dupondii dividitur in viginti quatuor uncias, ex quibus unus capit octo, alter tres, tertius duas uncias, quartus denique id, quod deest dupondo, scilicet undecim uncias. Si ita scriptum sit: *si filius mihi natus fuerit, ex besse hæres esto: ex reliqua parte uxor mea hæres esto: si vero filia mihi nata fuerit, ex triente hæres esto: ex reliqua parte uxor hæres esto: & filius & filia nati essent; dicendum est, assem distribuendum esse in septem partes,*

B b b § ut

754 *Sectio IV. Tit. XVIII.*

ut ex his filius quatuor, uxor duos, filia unam partem habeat: ita enim secundum voluntatem testantis, filius altero tanto amplius habebit, quam uxor: item uxor altero tanto amplius quam filia 36.). Obvia cuius est hæc decisio ex simplici proportione 2. ad 1. Similiter ex ejusdem Legis analogia de aliis proportionum numeris concludendum est. E. G. si natus fuerit filius, huic obveniunt 5. Matri quatuor partes: si nata filia, huic debentur 7. Matri novem partes. Si nascantur ambo, filio debebuntur 5. Matri 4. filiis 3 $\frac{1}{2}$. Si fractos numeros horreat testamenti Executor, totam hæreditatem ita dividet, ut quoties repererit numeros 109. ex iis filio tribuat 45. Matri

36.) Ita deciditur L. 13. ff. de Liber. & posthum. ubi additur, licet attenta subtilitate juris conveniret, ruptum fieri testamentum; attamen cum ex utroque nato testator voluerit uxorem aliquid habere, ideo ad ejusmodi sententiam, humanitate suggestente, decursum esse. Vid. MANTICA de conject. ult. volunt. lib. II. tit. 15. n. 5. seq. BRUNNEMAN ad dict. Leg. 13.

tri 36. filiæ 28. Hac ratione servabitur proportio in Legibus laudata & a Testatore intenta 37.).

§. 490. Ex hucusque dictis facile *In Juri* liquet, ratione Testamentorum va- dicio a- gia dari jura & obligationes: unde gitur etiam quotidianæ oriri solent lites, *Hæredi-* ita ut Testamenta non immerito vo- tatis centur seminaria litium & contro- Possessio- versiarum. Pro his vel evitandis, ne: vel componendis multa sunt reme- dia comparata, ex quibus unum al- terumve, cuius frequentior est usus, breviter insinuamus. Quamvis optan- dum sit, ut lites amicabili transactio- ne finiantur, id tamen Leges sta- tuunt, nullam & irritam esse transa- ctionem in controversia circa res te- stamento relictas orta, nisi prius ver- ba testamenti inspiciantur 38.). Si transactio frustra tentetur, judicia- le

37.) Sicut se habent 5. ad 4. sic 45. ad 36. item sicut 9. ad 7. ita 36. ad 28. Ita procedendum in aliis similibus di- spositionibus, quando juxta vulgatam regulam sub simplicibus continetur mixtum, de qua TIRQUELLUS de Legib. Connub. gloss. §. n. 76.

38.) L. 3. 6. 12. ff. de Transaction.

756 Sectio IV. Tit. XVIII.

Ie remedium est I. Hæreditatis possessio, si hæc ab alio, qui pro hærede, vel pro possessore detinet, forsitan prærepta est. Configendum in hoc casu ad *Interdictum quorum bonorum*, quod quidem est remedium Prætorium, sed etiam hæredi civili competit, qui scilicet urgentem successionis præsumptionem pro se habet, & hæres præsumptivus vocatur 39.). Si possessor neget hanc qualitatem, ex qua dicitur præsumptio, ea summarie probanda est, rejectis exceptionibus altiorem indaginem requirentibus. Pro fundamento allegandum est, se bonorum possessionem agnovisse 40.).

§. 491.

39.) Verba Prætoris in L. I. ff. Quorum bonorum, sunt hæc: Quorum bonorum ex Edicto meo illi possessio data est, quod de his bonis pro hærede aut pro possessore possides, possideresve, si nihil uincaptionem effet: quod quidem diolo male fecisti, ut desineres possidere: id illi restituas. Add. §. 3. Inst. de Interdict. & Tit. Cod. quorum bonorum. Differentia hujus Interdicti & Hæreditatis Petitionis datur a MENOCHIO de adipisc. possess. remed. I. n. 2. seqq.

40.) Ex quibus conjecturis videatur quis bono-

§. 491. II. Hæredi testamentario *Ex L.*
datur Remedium ex L. ult. C. de E- *ult. C.*
dicto D. Adriani tollendo, ubi san- *de E-*
cit Imperator Justinianus, si quis *dit.*
competenti Judici testamentum o- *&c:*
stenderit non cancellatum, neque
abolitum, neque ex quacunque suæ
formæ parte vitiatum, sed quod in
prima figura sine omni vituperatione
appareat, & legitimo testium nume-
ro vallatum sit: mittatur quidem in
possessionem earum rerum, quæ te-
statoris mortis tempore fuerunt, non
autem legitimo modo ab alio deti-
nentur. Sin autem aliquis contra-
dictor extiterit, tunc in judicio com-
petenti, causæ in possessionem mis-
sionis & subsecutæ contradictionis
ventilentur, & ei possessio acquira-
tur, qui potiora ex legitimis modis
jura ostenderit. Applicatur hoc re-
medium etiam ad Testamentum nun-
cupativum. Exceptiones sunt Vi-
tiorum visibilium, vel in continentî
probandorum: item nondum publi-
cati Testamenti.

§. 492.

bonorum possessionem agnoscere, tra-
dit FRANC. MANTICA de Conject.
ult. volunt, lib. 12. tit. 15.

758 *Sedio IV. Tit. XVIII.*

Ventrīs nomine: §. 492. III. Si vidua sit prauans, & in utero eum gerat, qui defuncto succedere potest, debet mater *Ventrīs nomine* petere missionem in possessionem.

Hæredi-tatione: §. 493. IV. Si quis in possessio-nem hæreditatis missus est, alteri competit *Hæreditatis petitio* ad id, ut Actor declaretur hæres; & possessor, qui vel universam hæreditatem, vel partem hæreditatis pro hærede vel possessore possidet, vel dolo possi-dere desiit, ejusve hæres ad hæreditatem cum omni causa, accessionibus & fructibus pro qualitate possel-sionis restituendam condemnatur. *Utilis hæreditatis petitio* datur em-ptori hæreditatis, vel cui ab hærede hæreditas alio titulo cessa est.

Querela Inofficio: §. 494. V. *Querela Inofficio* contra Testamentum, quod recte quidem, sed non ex officio pietatis factum est, injuste exhæredatis, vel præteritis datur in subsidium, si aliud re-medium desit. Iteratam mentionem hujus remedii supra fecimus. Quod si Liberi non exhæredati, sed insti-tuti quidem, in Legitima tamen lāsi sint, datur illis *Condictio ad sup-*

supplementum Legitimæ 41.), per quam non rescinditur Testamentum, sed conservatur: datur autem solummodo contra cohæredem, per quem in Legitima læsi sunt.

§. 495. VI. Cum Prætor circa suc-
cessiones æquitatis obtentu multa ^{Bono-}
constituisset, edixit etiam, se non ^{rum Pos-}
sessione:
hæreditatem, sed Bonorum posse-
sionem daturum, ne Leges de suc-
cessione evertere videretur. Est igi-
tur Bonorum possessio jus persequendi,
retinendique patrimonii, quod jure
Civilii haud debetur, beneficio Præ-
toris concessum. Eundem effectum
habet cum Hæreditatis petitione. Ex
Edicto Carboniano datur Bonorum
possessio impuberi, cui controver-
sia movetur, an inter Liberos sit,
simulque judicium hoc differtur in
tempus pubertatis. Datur Bonorum
possessio non solum *contra tabulas*,
sed etiam *secundum tabulas & ab in-*
testato 42.).

§. 496.

-
- 41.) I. 30. & 36. C. de Inoffic. testam.
42.) Vid. Instit. de Bonorum Possessione
bus. & Commentatores ibid.

760 *Sectio IV. Tit. XVIII.*

Expila- §. 496. VII. Huc etiam pertinet
tæ Hære- Judicium seu Actio expilata heredita-
ditatis. Furtum quidem rei hæreditariae
fieri non dicitur 43.) ante aditam
hæreditatem, vel captam possesso-
nem 44.), quia tales res vel domi-
num, vel possessorem non habent:
nihilominus expilatores jacentis hæ-
reditatis vocantur *atrociores fures* 45.),
& incurunt infamiam. Non datur
hæc actio contra Cohæredem, nec
contra maritum aut uxorem defuncti,
sicut contra hanc nec furti actio lo-
cum habet 46); ob reverentiam enim
matrimonii contra eam solummodo
rerum amotarum agitur, quæ actio
non inurit infamiam. Cohæres au-
tem, si quid ex hæreditate sibi ap-
plicavit, actione Familia Erciscun-
dæ convenitur 47.).

§. 497.

-
- 43.) L. 68. ff. de Furt.
44.) L. 2. ff. Expil. hæred.
45.) L. 1. §. 1. ff. de Effractor.
46.) L. 5. ff. Expil. hæred.
47.) L. 3. C. Famil. ercisc. Vid. VE-
LOHNER de Actionibus foren.
669. seqq. & Commentatores in alle-
gatos titulos.

§. 497. Hæ actiones proponendæ sunt coram competente Judice. Si agitur de valore, vel vera interpretatione Testamenti, cognitio pertinet ad Judicem testantis proprium; hujus enim est judicare de actibus sui subditi. Cum autem variæ sint consuetudines diversorum locorum, Legibus communibus adversæ, dubium movetur, ad quas Leges respicere beat Judex, si subditus Testamentum condidit & mortuus est extra domicilium suum in alio loco, in quo vigent consuetudines testamentariæ, vel Statuta Legibus Patriæ opposita? Discriben faciendum, an ista municipalia Statuta respiciant formam externam, & solennitates Testamenti, an vero habilitatem aut inhabilitatem testantis vel hæredis; an demum Bona, circa quæ versatur dispositio testamentaria. Circa habilitatem aut inhabilitatem testantis, respiciuntur Consuetudines & Leges Patriæ: nam persona ubique est uniformis; nec potest Legislator disponere, aut consuetudo extendi in personam sibi non subjectam. Hinc si in quadam regione ad vali-

C c c dum

De Jure Rev. Eccles. Pars poster.

*In quo
foro hæ
Actiones
institu-
enda?*

762 *Sectio IV. Tit. XVIII.*

dum testamentum requiritur annus decimus octavus etatis; testamentum adolescentis, habentis in tali re-gione domicilium, qui numerat so-lum annos sexdecim, nullum erit, si alibi testetur, ubi sufficiunt anni sexdecim. Simili ratione, si dispo-situm in testamento aliquid sit circa *Bona* alibi sita, attenduntur Leges loci, ubi *Bona* sunt sita. E. G. Si Statuta Municipalia contra Leges communes velint, ut Conjuges, e-tiam extantibus Agnatis, sibi in ali-qua parte Bonorum succendant; si filiofamilias concedant potestatem de omnibus Bonis undecunque quæsi-tis testandi &c. ejusmodi Statuta non extenduntur ad *Bona* extra territo-rium statuentis sita 48.).

Confue- §. 498. Si vero diversitas Statu-tudo loci torum aut Consuetudinum versetur potest ob circa formam externam & solennita-tis servari tem Testamentorum, convenienter tene-

48.) In ejusmodi casibus limitatur regu-la supra §. 475. tradita, quod nemo partim testatus, partim intestatus pos-sit decidere. MVSINGERUS Cent. 5. obser. 19. GAIL lib. 2. obser. 124.

teneri potest, quod Judicium de va-
lore Testamenti ferri debeat juxta
consuetudinem loci, ubi factum est
Testamentum, etiamsi testator tan-
quam peregrinus, forte in transitu
ibi sit mortuus. Communis enim
Doctorum opinio & persuasio est,
quod universim actus reguletur juxta
consuetudinem loci, in quo nego-
tium gestum est: testamentum enim,
quod in illo loco validum esse cen-
setur, validum quoque censeri de-
bet alibi 49.). Supposita hac doctri-
na Judex loci, in quo peregrinus
Testamentum condidit, non quidem
se ingerit in lites circa tale Testa-
mentum emergentes, sed tamen pu-
blicum tradit attestatum de legitima
loci consuetudine, juxta quam Te-

Ccc 2 sta-

49.) Allegari pro hac doctrina solet L.
6. ff. de Evictionib. L. 34. ff. de R. J.
L. 2. C. quemadm. testam. aper. L. 1.
C. de Emancipat. sed FACHINÆUS
Controv. Jur. lib. 5. c. 90. conatur
ostendere, has & similes Leges non
sufficienter probare intentum, nisi pe-
regrinus subeundo onera Civitatis, me-
reatur etiam gaudere beneficiis & com-
modis ejusdem.

764 *Sectio IV. Tit. XVIII.*

stamentum factum sit: & huic atque stationi merito conformat suam sententiam Judex, apud quem instituitur actio de nullitate Testamenti ex defectu solennitatum. Alias sequetur, quod si quis haberet Bona in diversis territoriis dispersa, in quibus etiam diversa essent circa Testamenti solennitates Statuta; in his circumstantiis deberet Testamenta plura & diversa pro diversitate ejusmodi locorum erigere, quia quilibet Judex posset exigere Testamentum juxta consuetudines territorii sui ordinatum: cum tamen Testamentum ex sua natura sit aliquid universale, & dispositio super tota familia, ac patrimonio, consequenter debeat ubique æqualiter valere: neque enim eadem res diverso jure censeri debet (50.). Dein cum actus voluntariæ Jurisdictionis, qualis est Testamenti confectio, ubique expediri possint; ipsa ratio postulat, ut etiam a peregrinis siant secundum Statuta loci, ubi peraguntur: & hinc quoad hos actus Statuta particula-

ria

50.) L. 23. ff. de Usurpat. & usucap.

ria se etiam extendunt ad forenses,
ut possint se illis conformare.

§. 499. Facile admitto, Advenam *Quoad*,
non gaudere privilegiis loci, per *solenni-*
quem transit, quia etiam non subit *tates ex-*
onera talis loci §1.), præsertim si *ternas*
privilegium ad compensanda certa *Testa-*
menta & incommoda concessum sit: menti.
nos autem loquimur de Statuto vel
Consuetudine, quæ sine ullo respe-
ctu ad certa onera introducitur. Ta-
lia enim Statuta facta censentur, non
in favorem personarum, sed intuitu
territorii, in quo vigent: adeoque
etiam omnes iisdem se conformare
possunt, qui in tali territorio mor-
rantur, ad vitandam omnem confu-
sionem, ex diverso modo testandi
in tali loco orituram, si singuli Ad-
venæ juxta consuetudines patriæ suæ
testari deberent §2.). Advenæ igit-
tur *quoad* solennitates Testamenti
se possunt, non autem tenentur ac-

Ccc 3 com-

51.) C. 74. de R. J. in 6.

52.) Ita tenent BARTOLUS & BALDUS
ad L. cunctos populos. I. C. de Sum-
ma Trinit. MYNSINGERUS Cent. 5.
obs. 20. GAIL lib. 2. observ. 123. Ba-
ro SCHMID Semicent. I. Controv. 38.

766 **Sectio IV. Tit. XVIII.**

commodare Statutis loci: hinc si in patria vigeat consuetudo adhibendi pauciores solennitates; in loco autem commorationis, ubi fit Testamentum, serventur Leges communis: Testamentum juxta consuetudinem Patriæ conditum, etiam in Patria valebit 53.).

Forum reliqua- §. 500. Stabilito valore Testamen-
rum A- ti, alias actiones ex eo surgentes in-
tionum. trudocet Hæres in foro competente
testatoris, qualis est Hæreditatis pe-
titio, Remedium ex L. ult. C. de
Edict. D. Adr. toll. Querela inoffi-
ciosi,

53.) Aliter loquendum de aliis contra-
etibus, initis extra patriam in loco,
ubi majores solennitates, quam in pa-
tria, exiguntur: præfertim si inean-
tur cum cive hujus loci: nam Magi-
stratus merito requirit, ut cives sui
observent leges hujus loci, etiam si con-
trahant cum extero, in cuius patria
aliiæ vigent consuetudines. Alia est
ratio testamenti, in quo cum nemine
contrahitur, & nulli sit præjudicium,
si alienigena servet minores solenni-
tates patriæ suæ, cum testamenti fa-
ctio sit actus Jurisdictionis volun-
tariæ, consequenter poterit testator se
conformare consuetudini loci, non ta-
men tenetur.

ciosi, Condictio ad supplementum Legitimæ &c. Quæ autem spectant Possessionem hæreditatis, Interdictum quorum bonorum, Actionem expilatæ hæreditatis &c opus maxime habent autoritate Judicis, in cuius territorio Bona sunt sita. Si quis vero hæredem convenire velit ratione obligationis per testatorem contractæ, juxta regulam communem, *Heres absens ibi defendendus est, ubi defunctus debuit, & convenientius, si ibi inveniatur, nulloque suo proprio privilegio excusatur §4.)*, quia hæres & defunctus censemur esse eadem persona.

§. 501. Quæ hucusque diximus, Testa-
ad privatos præcipue pertinent. Du-
menta
bium movetur, an etiam de Prin-
cipium Testamentis juxta Leges com-
munes judicandum sit? Multi do-
cent, Principes Germaniæ, Juris-
dictione Territoriali gaudentes, ad
solennitates jure communi requisi-
tas non teneri: cum enim ex po-

Ccc 4 testa-

54.) L. 19. pr. ff. de Judiciis. Ad quam
Legem copiosum Commentarium scri-
psit PETRUS BARBOSA de Judiciis,

768 *Sectio IV. Tit. XVIII.*

testate Legislativa possint subditos suos in Germania eximere ab iis observandis; & aliorum Testamentis sibi oblatis absque ulla alia solennitate autoritatem ac fidem publicam præstare: multo magis ad fidem & efficaciam proprio Testamento conciliandam, opus non habebunt extrinsecis solennitatibus. Istud non nulli pertinere putant ad servandam dignitatem Principum, non tantum eorum, qui summa potestate Provinciis in Germania præsunt, sed etiam Conjugum, Filiorum, Fratrum, aut Agnatorum utriusque sexus, ex familia Principis descendientium 55.).

Pro ma- §. 502. Bene advertendum, non
jore se- agi hoc loco de Autoritate Princi-
curita- pum, quæ haud dubie omnem ve-
te nerationem & summam fidem mere-
tur; sed quæstionem esse de fide ad-
hibenda scripturæ illi, in qua Princi-
pis defuncti ultima voluntas conti-
neri dicitur. Solennitates Testamen-
torum inventæ sunt, non ob modi-
cam

55.) Inter hos sunt Apanagiati, vulgo die abgesundene Herren.

cam autoritatem testatorum; sed ad evitandas omnes fraudes, & ut voluntas testatoris certius impleatur. Si igitur hæc requiruntur in Testamentis privatorum, ubi plerumque levia continentur negotia, multo magis omnimoda certitudo de Voluntate Principis defuncti requiritur, quæ circa summi momenti negotia versari solet; hæc autem certitudo, nisi illi ipsi, de quorum præjudicio fors agitur, voluntatem morientis percepisse noscantur, haberi censemur per receptas in Imperio solennitates. An credimus, subdolas artes non æque in Aulis Principum, ac in ædibus privatorum timendas esse? Recentia possent adduci exempla, quæ Principum ultimas voluntates periculosis machinationibus expositas docent. Dein controversia ex Testamento Principis orta, subjicitur Decisioni Cameræ Imperialis: hæc autem judicium suum conformat Legibus communibus Juris Civilis 56.).

Ccc 5 §. 503.

56.) Observantiam tum Tribunalium, tum Principum testantur ROSENTHAL, de Feudis C. 12. concl. 10. n. 18. KLOCKIUS tom. 3. consil. 102. n. 97.

770 *Sectio IV. Tit. XVII.*

Requi- §. 503. Id facile permitti potest,
runt ali- Testamenta Principum non esse scrupu-
quas fo- pulose dijudicanda circa omnes Ju-
lennita- ris Civilis subtilitates, modo de eo-
tes. rum seria voluntate juxta Leges in
Germania receptas sufficienter con-
stet, nihilque ibi contineatur, pactis
Familiae, Juribus Feudalibus, aut
Successionibus per Constitutiones
Imperii stabilitatis adversum. Quoad
formam autem extrinsecam multi
putant, in defectu aliarum solenni-
tatum saltem requiri, ut Princeps
Testamentum suum condat coram
Consiliariis suis, & ad Acta Cancel-
lariæ suæ reponi jubeat 57.).

§. 504.

57.) Fuse & erudite hæc deducta legi
possunt apud D. JOAN. FRID. WILH.
DE NEUMANN tom. 5. de Hæredit. &
Succession. Principum, sect. 4. §. 637.
seqq. MYLERUM AB EHRENBACH de
Princip. & Statib. Imper. part. 1. c.
26. HULDERIC. DE EYBEN de testam.
Princ. vel Com. Imp. MOSER Teutsches
Staats - Recht tom. 24. & 25. Utrum-
que BERGERUM, Patrem & Filium,
illum Oeconom. Jur. istum in Animad-
vers. ad Coccey Jur. publ. prud. c. 29.
VITRIARIUM Inst. Jur. publ. lib. 3.
c. 20.

§. 504. Autores de Testamentis *Scriptores* sunt innumeri. Præter eos, *res.* qui Commentaria in omnes Juris Canonici aut Civilis libros scripsérunt, aut singularibus Dissertationibus quasdam difficultates illustrarunt: præcipuam mentionem merentur, qui totam hanc materiam justis Voluminibus complexi sunt, FERNANDUS VASQUIUS de Successionibus & ultimis Voluntatibus. DIDACUS SPINO Speculum Testamentorum. FRANC. DE BARRY de Successionibus Testati ac Intestati. FRANC. MANTICA de Conjecturis ultimarum Voluntatum. CASPARUS MANZIUS de Testamento valido vel invalido. PETRUS PECKIUS de Testamentis Conjugum. SAMUEL STRYCKIUS de Cautelis Testamentorum.

TITU-

c. 20. §. 3. & seqq. ibique PFEFFINGERUM, ubi referuntur rationes & Autores in utramque partem.